

1.  
2.  
3  
4  
5  
6





1692

1.<sup>a</sup> Engelstall, Johann Godefrid: De eo, quod justum est -  
circa mutationem nominum. 3. Scept.

2. Finckler, Ludovicus Gertonus: Dissertationes inay. juris,  
sive gloriosissimi . . . nostri Fructu imperiale  
capitulatiouis insertarum articulo additionum consi-  
derationes.

3.<sup>a</sup> Langenbeck, Hermannus: De castigatione moderata  
2 Scept.

4. Lincker, Henricus: De Clem I de V. I. et. Hon. Cleric  
Clericum artificem et negotiatorem . . . considerat.

5.<sup>a</sup> Rudolus, Goltkand: De adjecto. 2 Scept.

6. Luernerus, Joh. Adamus: De multitudine inquisitionis.

1693.

1.<sup>a</sup> Altherr, Siegfried: De legali mensura tempore  
in spacio mensura. 2 Scept.

2. Hiltelbrand, Henricus: De personis egregijs earumque  
juribus.





3. Meizer, Joh. Lien : De siglis et notis literarum 12
4. Moller, Fr. Guil. : De C. Famil. 13
5. Riegerus, Joh. Jacobus : Geometria legalis  
soleni appellatur
- 6.<sup>1.2</sup> Ritter, Georg Gualter : De substitutione  
proprietari ultra pubertatis aetate facta  
2 Exempl.
7. Ritter, Georg. Gualter : De compromissis  
fori Germanici in iudicem competentem factis
8. Sauer, Nicolaus : De patria
9. Traupel, Henricus : De datione in solutum
10. Stoll, Anton Philippus : De factis defuncti et  
huc de praestando
11. Tebor, Joh. Benedictus : De civitate Comen  
sibus



12. Tenker, Joh. Michael: De jure statutaris

13. Titius, Johann: Disputationes in anglicana  
juris licentia, in qua jus divinum forensium cum  
jure communi conferitur simulque in illius  
usum hereditarium investigatur







C. D.  
DISSERTATIO INAUGURALIS,  
De eo,  
quod justum est  
circa

140  
40  
1692  
10

# MUTATIONEM NOMINUM,

ductu  
*Leg. un. Cod. de Mutat. Nomin.*

Quam  
ex

DECRETO & AUTORITATE  
MAGNIFICI

## DOCTORUM ORDINIS

In

INCLYTA ACADEMIA ALTDORFINA,

Pro

## LICENTIA

SUMMOS IN UTROQUE JURE HONORES

&

PRIVILEGIA DOCTORALIA

rite capessendi,

*Publicæ Eruditorum ventilationi*

submittit

d. 24. Nov. M DC XCII.

JOHANN. GODOFRED. Engelschall/  
Olsnic. Varisc.

---

Excudit HEINRICUS MEYER, Univerfit. Typographus.





REVERENDISSIMO AC SERENISSIMO

PRINCIPI AC DOMINO,

DOMINO

MAURITIO

WILHELMO,

DUCI SAXONIÆ, JUL. CLIV.  
ET MONT. ANGAR. ET WESTPHAL.  
PRÆSULATUS NUMBURGICI ADMINISTRATORI,  
LANDGRAVIO THURINGIÆ, MARCHIONI  
MISNIÆ, NEC NON UTRIVSQUE LUSATIÆ,  
COMITI DE MARCA ET RAVENSBERG,  
DYNASTÆ IN RAVENSTEIN,

PRINCIPI AC DOMINO MEO  
CLEMENTISSIMO,

Felicitatem!



REVERENDISSIMÆ AC SERENISSIMÆ  
PRINCEPS,

*Domine longè Clementissime.*





Estit præfens Disfertatio  
sub TUO, PRINCEPS  
SERENISSIME, clypeo  
ab omni, quam metuit,  
immunis esse injuriâ. Qvò  
enim major thematis cu-  
jusdam vilitas, eò plures adesfe suspicor  
censores & per conseqvens eò firmiori  
qvvis opus habet præsidio. Et de hoc ipso  
me



✻✻✻      ✻✻✻

me longè confidentiorem reddit inaudi-  
ta ferè omniumq; oculis exposita SERE-  
NITATIS TUÆ Clementia. Non  
igitur materiæ ipsius, sed humillimæ ob-  
lationis rationem mihi jam ulterius ex-  
ponendam esse censeo. Inter illas, SE-  
RENISIME PRINCEPS, primas te-  
net Sanctissimum pietatis nomen, vi cuius  
TE, ut proximum Patriæ Patrem adora-  
re obstrictus teneor. Post hæc non mi-  
nima causa me movens fuit insolita cura  
& indulgentia, quâ Doctiorum genus sub-  
indè foves, tueris, condecoras. Quam  
verè divinam gratiam ut mihi quoq; con-  
ciliarem hâc viâ efficere volui. Tandem  
deniq; nunquam satis deprædicanda hu-  
manitas, divinorumq; beneficiorum ab-  
undantia, Parenti meo, Consuli ac Syndi-  
co olim Olsnicensi, exhibita, mihi hoc,  
quod vides, debitum imponit, adeò, ut  
ingrati animi notam vix evitarem, si pro  
his







his ipsis nullum humillimæ obligationis &  
observantiæ argumentum exhiberem.  
Eqvidem fateor, levidense adhuc, quod  
SERENITATI TUÆ consecro, pie-  
tatis esse monumentum. At enimverò  
non merces est, quicquid offero, quæ  
gratiam acceptam suscipit ex asse repen-  
dere, sed canon est in re minimâ confi-  
stens, optimè tamen TUAM munificen-  
tiam venerans & recognoscens devotio-  
nemq; contestans perpetuò duraturam.  
Hunc itaque canonem, hoc quale quale  
obsequii *πικνέρον*, ut SERENITAS TUA  
gratiosâ suscipiat Clementia, meque  
clementissimâ illâ gratiâ, quâ Musarum  
alumnos hætenus profecuta est egregiè,  
in posterum profeqvi haud dedignetur,  
omni, quâ debeo, animi submissione oro  
& obsecro. De cætero DEUM Immor-  
talem, Regum ac Principum Tutamen,  
calidissimis obtestor precibus, ut TE,  
SE-







SERENISSIME PRINCEPS, in patriæ  
& Imperii nostri decus, splendorem &  
commoda natum, in majora ejusdem au-  
gmenta propriumque SERENISSIMÆ  
FAMILIÆ jubar, cum SERENISSIMA  
CONJUGE omni felicitate & gloria  
quàm diutissimè rebus humanis interesse  
patiatur. Vale, SERENISSIME  
PRINCEPS, & patere, ut iste mihi  
indelebilis permaneat character, quo  
audire possim

*REVERENDISSIMÆ SERENI-  
TATIS TUÆ*


Da b. A ltdorff I  
d. VIII. Calendar.  
Decembr.  
M DC XCII.

*Devotissimus  
&  
obsequiosissimus*

JO HANN. GODOFRED. Ungelschall.







P R Æ F A T I O.




*Eractis divinâ gratiâ consuetis Juris exami-  
nibus, præ cæteris omnibus, ex indul-  
gentiâ MAGNIFICI JCTORUM ALT-  
DORFINORUM ORDINIS, de Dispu-  
tatione, quæ communiter Inauguralis audit,  
fui sollicitus. Et quamvis fateri necesse ha-  
beam, in conscribendis talismodi Dissertationibus ut plurimum  
thema aliquod singulare, crambenq; bis coctam haud redolens  
solere eligi, atq; inficias ire nequeam, præsentem materiam à  
VIRO EXCELLENTISSIMO, DOMINO FRIDERICO  
GEISLERO, Phil. & J. U. D. ac P. P. quondam Li-  
pfiensi, ante aliquot lustra sub nomine Dissertationis, junctâ  
aliâ de Anonymis Scriptoribus, fuisse pertractatam; Atta-  
men, cum, secundum illud πολυθρύλλητον, nihil ferè tam accuratè  
scriptum dictumve sit, cui adhuc aliquid non possit addi, & præ-  
tereà Parentum desideria hæc in parte pro sanctiori lege mihi  
sint habenda; Idcirco nemo, ut spero, vitio mihi vertet, quod  
de novo illam ipsam materiam ventilare animum induxerim,  
inprimis quum Opera laudatissimi GEISLERI tantum circa  
analysin textûs occupetur; Præsens autem labor, præmissâ tex-  
tus breviori enodatione, simul in causas, vel, ut ita loquar, vi-  
scera illius omni, quâ potest, brevitate, sit inquisiturus.*

*DEUS annuat cœptis, omniaq; fausta  
ac salutaria esse jubeat!*

A 2

CA-





CAPUT I.

*Exhibens brevem textus analysin, tam quoad partes externas, quam internas.*

**J**uvat hinc, antequam ad analysin nos accingamus, ipsum textum, quantus quantus est, apponere, qui quoad verba ita se se habet:

*Impp. Diocl. & Maxim. AA.  
& CC. Juliano.*

Sicut in initio nominis, cognominis, prænominis recognoscendi singulos impositio libera est privatis: ita eorum mutatio innocentibus periculosa non est. Mutare itaq; nomen, vel prænomen, sive cognomen sine aliqua fraude licito jure, si liber es, secundum ea, quæ sæpè statuta sunt, minimè prohiberis: nullo ex hoc præjudicio futuro. S. 15. Kalend. Jan. AA. Consf.

I. Textu hoc præmissio varia & quidem circa *Partes externas* se se nobis sistunt prænotanda, inprimis autem *Liber*, *Titulus* ejusq; *coherentia* cum reliquis, itemq; *Inscriptio* & *Subscriptio* præ cæteris evolutionem merentur.

II. *Liber*, in quo hic textus continetur, est *liber IX. in Codice repet. prælectionis* & quidem *titulus* in ordine XXV. Qui liber jure quoque vocari potest *terribilis*, *arg. const. Tanta. de Confirmat. Digest. §. 8.* Agitur enim in illo de delictis publicis, quæ propter delicti ac poenæ atrocitatem tum delinquentibus, tum etiam aliis terrorem injiciunt. Adeoq; etiam de *Crimine Falsi*, quod committitur vel quoad statum personæ, vel in testamentis, vel in monetâ, vel etiam *in nomine*. Hinc præsens titulus, cujus *connexio* cum cæteris exinde satis liquet.

III. In-





III. *Inscriptionem* quod attinet, illa & *Rescribentes & rescriptum Accipientem* in se continet. Priores sunt *DIOCLETIANVS & MAXIMIANVS, AVGVSTI & CONSVLES*. De quorum vitâ rebusq; gestis multa hic disferere supervacaneum puto, cum hæc omnia ex *Historicis & quidem in specie post M. Aurelium Victorem de Cesaribus cap. 39. Eutropium lib. 9. ex Matth. Theatr. Hist. sub vitâ horum Imperatorum*, quàm dilucidissimè constent. Maximè sub hisce Imperatoribus dirissima omnium persecutio in Christianos notatu digna est, quippe quæ per integrum decennium duravit, ita, ut reliquæ novem persecuciones sub (1) *Nerone*, (2) *Domitiano*, (3) *Traiano*, (4) *Adriano*, (5) *M. Antonio*, (6) *Severo*, (7) *Maximino*, (8) *Decio*, (9) *Valeriano*, iusus & jocus præ hâc fuerint. *Claus. in delineat. histor. p. 51.* Ferunt enim *Nicomediæ* in templo viginti millia crematorum, triginta millia diebus septendecim absumptorum & per omnes orbis partes excarnicatorum Christianorum, teste *Osiandro H. E. cent. 4. lib. 1. cap. 7.* & *Orosio lib. 7. cap. 25. itemq; Sulpit. Severo lib. 2. sacr. histor.* ubi sequens notabilis occurrit locus: *Diocletiano & Maximiano imperantibus acerbissima persecutio exorta, quæ per decem continuos annos plebem Dei depopulata est, quâ tempestate omnis ferè sacro martyrum cruore orbis infectus est; quippe certatim gloriosa in certamina ruebatur, multoq; avidiùs tum martyria gloriosis mortibus querebantur, quàm nunc Episcopatus pravæ ambitionibus appetuntur. Nullis unquam magis bellis mundus exhaustus est, neq; majori unquam triumpho vicimus, quàm cum decem annorum stragibus vinci non potuimus.* Tantum ille. Quæ pleniùs explicant *Orosius lib. 7. Lactantius, qui sub Diocletiano vixit, lib. 5. Div. Instit. cap. 11. & Eusebius, Hist. Eccl. lib. 8. cap. 11.* ubi persecutionis hujus ultimæ causas indagat. Qui autem in specie martyrii coronam nacti sunt, id videre est apud *Euseb. Petr. de Natal. Baronium, Osiandrum, & alios quàm plurimos Historicos.* Cæterùm quare *Diocletianus Maximianum A. C. 285. sibi socium Imperii associaverit, & an ita secutâ hâc conjunctione Monarchia apud Romanos remanserit?* de eo vide, si lubet, jam allegat. *Matthiam nec non Kippingium, in Inst. Polit. lib. 1. cap. 13. §. 4.* atque *Jacobum Gothofr. in Prolegom. ad Cod. Theodos. cap. 8.* ubi moris fuisse dicit, ut, cum plures eodem tempore, divisis quamlibet Imperii partibus, imperarent, atq; adeò quamlibet ab uno tantùm Imperatore reverà scripta lex esset, ex æquo tamen omnium nomina præferret. *Quomodo etiam*





*in operibus publicis omnium Imperatorum nomina inscripta, cum tamen opus ab uno tantum positum esset. Rescriptum accipiens est Julianus. Quis autem hic fuerit, non adeo liquet. Neque etiam è re erit, ut tam exactam hujus rei habeamus notitiam.*

IV. Tandem *Subscriptio* his verbis facta est: *S. 15. Kalend. Jan. AA. CC. i. e. Scriptum 15. Kalendarum Januarii i. e. 18. Decembr. Augustis Consulibus.* Hic neque locus, neque annus urbis conditæ, neque denique Consulatus numerus, prout potissimum in cæteris Rescriptis observamus, exprimitur. Ex Fastis Consularibus autem colligere licet, non computato Anno, quo post A. V. C. 1039. & natum Christum An. 289. sub M. Aurelio Caro Cæsare, ambo Consules erant, Diocletianum ipsum, postquam Imperium adeptus fuisset, An. V. C. 1040. post N. C. 290. & sequenti Anno in Consortium Regni Herculium Maximianum adscivisset, Consulatum tenuisse cum Maximiano An. V. C. 1042. post N. C. 292. Anno Imperii 3. iterum An. V. C. 1045. à N. C. 295. Anno Imperii 6. dein An. V. C. 1051. à N. C. 301. Anno Imperii 12. porro An. V. C. 1055. à N. C. 305. Anno Imperii 16. ultimò An. V. C. 1056. à N. C. 306. Anno Imperii 17. uti Cuspinianus in *Comm. ad Aurelii Cassiodori COSS. locis indicatis* docet, & deducit. Quinam autem annus hic debeat intelligi, cum doctis ignoramus. Forsitan & hæc nosse parum juvabit.

V. Potius explicatione hæc externarum partium relictâ ad *Internarum* tendimus explanationem, ubi operæ pretium duco, ante omnia difficiliorum vocabulorum explicationem præmittere. Equidem inter ea maximè conspicua sunt, *Nomen, Cognomen, Prænomen.* Verùm cum de his ipsis in *Capite subsequenti* sub *Objecto* prolixius acturi simus, hinc explicationem illorum hic studio omitimus. Vocabulum *recognoscendi* idem h. l. est ac verbum simplex *cognoscendi.* Propriè autem denotat denuò cognoscere, *aufs neue wieder kennen.* Cicer. lib. 1. *Tuscul. p. m. 160.* in verbis: *Se non tam illa discere, quàm reminiscendo recognoscere.* Hinc etiam notæ sunt locutiones: *Feudum recognoscere,* i. e. beneficii feudalis autorem agnoscere, eiq; illud acceptum ferre, eoq; nomine fidem illi & obsequium referre. 2. *Feud. 17. Calv. Lex. Jurid.* sub voce: *Recognoscere.* It. *Instrumenta seu Documenta recognoscere,* i. e. approbare & confiteri, illa documenta esse vera, & non falsa. Vid. *l. 5. fam. ercisc. l. 56. pr. ff. de V. S. l. 1. §. 8. l. 15. §. 3. ff. ad L. Cornel. de Fals. Carpz. Proc.*



*Proc. Jur. tit. 14. art. 8. num. 79. Swend. ad Proc. Fibig. pag. 243. seq. Innocens h. l. est, qui secundum Glossam hujus loci non fraudulenter facit, sed est expers criminis scelerisq; purus. Præjudicium potissimum in Jure & à Dd. in quadruplici significatu accipitur. (1) Sumitur pro sententia sive iudicio à Superioribus lato, quod affert inferioribus deinde Magistratibus iudicaturis exemplum, quod sequantur in pari causâ. Gloss. & Dd. in l. nemo. C. de Sent. & Interl. Zas. in rubr. ff. de Except. n. 6. Quibus stylo Camerae affinia sunt Præjudicia Cameralia, quæ à nonnullis Observationes Camerales, item Res in Camera iudicatae indigitantur. Cujusmodi collegere Gailius, Mynsingerus, Gylmannus, Schwanmannus, Wilhelmus Scipio, & alii. Hinc præjudicium allegare, est iudici ostendere, hunc vel illum casum iudicando antehæc ita decisum esse, & idcirco etiam præsentem casum, qui casui prius deciso per omnia similis, sic decidi oportere. Jac. Blum. Proc. Camer. tit. 2. num. 24. (2) Quandoq; per præjudicium intelligitur causa, seu quæstio controversa, de quâ prius cognoscendum, statuendum decernendumq; est, priusquam de alio negotio quærat, ut ita præjudicium in hoc sensu sit quasi ante iudicium, sive prius iudicandum, quam de alio iudicium suscipiatur. Calv. alleg. loc. sub voc. Præjudicium. Manz. ad §. 13. Inst. de action. (3) significat exceptionem talem, quâ reus actionem ita removet, ut asserat per actionem ab adversario institutam præjudicium fieri principaliori actioni. l. 16. 17. 18. 19. 21. de except. præscript. & præjud. Wissenb. ad tit. ff. de except. Schneidw. ad §. 13. J. de action. n. 5. Eckolt. ad ff. tit. de except. n. 26. (4) Deniq; ut hoc loco, denotat damnum, injuriam, detrimentum, læsionem, incommodum. Hoc sensu dicere solemus, quod privilegia Principis intelligantur sine præjudicio tertii, l. 2. §. 10. § 16. ff. ne quid in loc. sacr. l. 3. C. de Silent. & Decur. it. Principem non posse illegitimum legitimare in præjudicium legitimorum, quo de Myns. cent. 1. obs. 53. it. rem inter alios actam aliis non præjudicare, tot. tit. C. res inter alios acta &c.*

VI. Missis vocabulorum scrutiniis ad ipsa legis contenta progressum facio. Summa itaq; totius legis in eo consistit, quod mutatio nominis haut fraudulenta libero homini omni jure sit permessa, pro ut hanc summam non incongruè ad hunc locum annotavit Salicetus & Baldus h. l. Hæc q; propositio per duplicem stabilitur rationem, partim cur ita mutatio sit licita, partim verò cur nomina sint inven-



inventā. Idcirco si accuratiùs hanc legem pensitemus, in tres partes eam dividere necessum habebimus. Prima pars *positivè* tradit: *mutationem nominis non esse periculosam*, atque simul *applicativè*: *mutare itaq; nomen vel prænomen sive cognomen secundùm ea, quæ sæpè statuta sunt, minimè prohiberis, nullo ex hoc præjudicio futuro.* Altera pars *æthiologicè* tum consequentiam ipsius legis, tum causam respectu originis & introductionis nominum reddit. Scilicet *quia ab initio nominis, cognominis, prænominis impositio libera est*, & ob id inventa, ut per eam *homines singuli recognoscantur.* Tertia pars denique declarat *restrictivè*: nomen mutaturum debere esse *liberum idq; sine fraude facere.* Quæ omnia hoc in loco uberiùs quidem secundùm indolem justæ textuum ἀναλύσεως per rationes dubitandi & decidendi possent explicari. Quoniam vero in sequenti capite illud ipsum in effectum deducendi longè commodior sese offeret occasio; Hinc absque ulterioribus ambagibus statim ad alteram Dissertationis nostræ partem & quidem ad caput in ordine secundum transgredimur.

## CAPUT II.

*Continens hujus materiae Definitionem nominalem, realem, Divisionem, Causam Efficientem, Subjectum & Objectum.*

### I.

Cum secundùm Ulpianum *in l. 1. pr. ff. de Reb. cred.* è re sit, priusquam ad verborum interpretationem perveniamus, pauca de significatione ipsius tituli referre: Idcirco & nostrum erit, in præsentī hanc legem methodi servare, atque, *Definitionis nominalis* loco, Rubricæ explicationi paululùm immorari.

II. Vocabulum *Justum* hîc accipimus in sensu negante, pro eo, quod juri non repugnat, sed ex ratione ejus licitum est, atque permissum, ita, ut citra injuriam alterius fieri possit. Jus enim, unde *justum* denominatur, hoc loco non significat jussum imperantis, sive legem, sed qualitatem moralem personæ competentem ad aliquid justè habendum, vel agendum, doc. Grot. *de Jur. B. & P. l. 1. c. 1. n. 4.* Reliquæ rubricæ voces *mutationis* nempe & *nominis* hoc loco non *concretivè*, sed *abstractivè*, ut Logici loqui amant, sunt intelli-



telligendæ, ita ut unum constituent conceptum, quem Græci per *μετονομασία* haud inconcinne exprimunt.

III. Quod ad primum *Mutationis* nomen attinet, labor certè inutilis erit, explicationi istius longiùs inhære, cum nec pueris in scholis incognitum sit, illud à verbo satis latino *mutare* descendere; quod ipsum tamen varios in jure nostro recipit significatus, qui commodè in *improprios* & *proprios* distingui possunt. *Improprie* sive *analogicè* (α) idem, quod perdere vel amittere significat, e. g. *statum mutare*, in l. 9. §. 4. ff. de minor. (β) idem ac corumpi denotat, uti in l. 24. C. de administr. tut. (γ) hæc phrasis: *non mutat*, idem est, quod non movet, non obest, non refert, non ad rem facit, uti patet ex l. 52. §. 2. ff. de Fidejuss. l. 11. ff. Usufruct. quem. cav. l. 3. §. ult. ff. de Pecul. *Proprie* deinde si vox *mutare* accipitur, nihil aliud importat, quàm *statum rei convertere*, alterare, variare, ut vel desinat aliquid, vel aliud fiat, vel idem manens sit sub alio accidente, quod accidit in *mutatione actionis* l. 3. C. de edend. *mutatione judicii*, sive *judicium*, l. 76. ff. de Jud. & denique in nostrâ *mutatione nominis*. Huc quoque spectat l. 27. C. de Testament. & arg. ex l. 32. §. fin. C. de appellat. Unde satis notum emergit axioma Juridicum: *quod non mutatur, stare permittendum est*. Plura hæc de re qui desiderat, adeat Rudolph. Goclen. *Lexic. Philosoph.* Joh. Calvin. Matth. & Martini *Lexic. Jurid.* sub verbis *mutare, mutatio*.

IV. Tendimus jam ad alteram vocem, *Nomen* scilicet, cujus varias passim videmus derivationes. Zafius ad l. 4. de leg. 1. n. 5. illud à *notando*, ut scilicet res cognoscantur & discernantur, quæ alias à se cognosci non possent. l. 10. C. de ingen. manumiss. Diomed. lib. 1. *Grammat.* § Isid. lib. 1. c. 6. à *notamen*, quod unamquamque rem monstret ac notet, itemq; Perottus & Curtius 1. conject. 26. à *nosco*, quod per id, quicquid nominamus, agnoscatur, deducunt. Festus lib. 12. à *novimen*, quod notitiam faciat, dictum esse putat, quem ad vocis tantùm sonum alluisse putat Robert. 1. sent. 16. *Verosimiliùs est*, (sunt verba Francisci Connani in *Comment. Jur. Civil. lib. 2. cap. 11.*) *hoc vocabulum sumtum à Græcis, à quibus ὄνομα appellatur, ὄνομα ἔστι νόμος, i. e. lege vel consuetudine, quoniam usu constant nominum appellationes* &c. Quænam inter has derivationes sit præferenda, cuilibet pensitandum relinquimus, quam quisq; sibi ut optimam elegerit, nobis perinde erit. Potiùs *Etymologiâ* relictâ majoris declarationis ergò *Homonymiam* hujus vocis rimemur, ubi statim

B

Nomen

bold, hoc, quæquid est, i.



Nomen *πρὸς λῶσημον* esse & aliter à Grammatico, aliter à Logico, aliter à Jcto accipi & considerari deprehendimus. Inprimis autem sumitur vel *impropriè*, vel *propriè*. *Impropriè* itidem vox nominis multifariam accipitur, & quidem (1) pro virtutibus, meritis, &c. ex quibus olim nomina sumi & dari frequens erat. (2) Pro ipsâ celebritate, excellentiâ, amplitudine, quæ ex tantis nominibus inditis & cognominibus oriri solet. (3) Per metonymiam subjecti pro illo ipso, cui hoc nomen competit. Atque ita non tantum stylo sacro, verum etiam profano NOMEN DOMINI, NOMEN DEI ipsum Deum, Dominum significat. 1. *Corinth. 1. v. 2.* & passim in sacris. (4) Vox nomen omnem obligationem ex contractu, delicto, vel ex qualibet aliâ causâ significat, ita, ut etiam qualecunque debitum designet, l. 6. de *V. S. l. 1. ff. ad SC. Maced. l. 4. l. 17. l. 23. §. 1. de hered. vel act. vend.* Almers in *Man. Jur. sub voc. nomen*; hæcque acceptio inprimis Jctis frequens & solennis est, & forte à prisco illo, debitorum nomina in tabulas acceptorum & expensorum sive Calendaria referendi more, usu obtinuit. Hinc notæ sunt locutiones: *Nomen facere & nominibus contrahere obligationem*, de quibus vid. Rebhan. *Hodeg. Jur. Chart. 2. Clim. 111. p. 510.* *Propriè* sumitur iterum vel *artificialiter*, vel *populariter*. *Artificialiter* accipitur (α) à Grammatico, cui nomen est pars orationis declinabilis per numeros & casus sine temporis connotatione, & dividitur in adjectivum & substantivum, hocq; insuper in proprium & appellativum, quatenus scilicet ejus dignotio ad mutationem *παρασημάτων* Grammaticorum conducit, (β) à Logico, ubi nomen est pars enunciationis, cujusque nulla pars significat separatim &c. vid. Rebhan. *Hodeg. Jur. d. l. Populariter* si vox nominis, ut hoc loco, accipiatur, nihil aliud significat, quam *signum instrumentale & doctrinale, denotans rem aliquam certam, cujus cognitio, quotiescunq; ejus exauditur appellatio, statim animo offertur.* Hinc Cicero lib. 1. de *Invent.* nomen esse definit, *quod rei datum, ex quâ illa propriè demonstratur.*

VI. Atque in hac ultimâ acceptione populari secundum Grammaticos divisio in nomina *Appellativa*, *Propria* & *Adjectiva* exorta est. Briffon. in *Lexic. Jur. sub voce Nomen.* *Appellativa* nominantur, quæ rei alicujus naturam & essentiam in communi explicant, e. g. *homo, flumen, vestis, pater, mater* &c. & dicuntur à principio mundi ab Adamo secundum naturalem cujusq; rei proprietatem, vi scientiæ à Deo infusæ, fuisse imposita. Id quod *ex cap. 2. Gen.* clarescit,

Nomen



rescit, ubi Adam cuncta animantia & universa volatilia cœli & omnes bestias nominibus suis appellavit. Et talia nomina talesq; voces usq; ad Noe filios durarunt, donec tandem in erectione turris Babylonicæ à Deo confusio linguarum facta fuit, per quam licet variæ linguæ & voces fuerint introductæ, easdem tamen rerum proprietates, easdemq; qualitates significarunt, quas nomina ab Adamo imposita demonstrarunt. *Propria* nomina unusquisque suis rebus particularibus suo arbitratu imponit, nullâ habitâ naturalis rerum proprietatis ratione, sed sola voluntas est causa, ob quam res particularis hoc vel illo nomine designatur. Uno nomine: *Individua* per illa denotantur, ita, ut non rei essentia tangatur, sed tantùm hoc Individuum ab aliis, à quibus specie non est distinctum, disterneretur. *Adjectiva* vero nomina vel à naturali & propria rei qualitate, ut à naturali albedine res albæ & nigredine nigræ nuncupantur, vel ab aliquâ accidentali qualitate v. g. *fundus alius Sempronianus, alius Cornelianus, alius vineatus, alius prativus* denominantur. Vid. Vacon. à Vacun. l. 4. declar. 56.

VII. His suppositis, vi l. 4. ff. de Legat. 1. cum Ulpiano sequentem formamus regulam, scilicet: *Nomina rerum sunt immutabilia, hominum autem mutabilia.* Ad priora referimus tum nomina appellativa, tum etiam adjectiva, quatenus nempe à naturali rerum qualitate vel etiam ex qualitate accidentali, quæ solâ hominis voluntate mutari non potest, ut in alleg. exemplis vineatus, prativus, sumuntur. Ad posteriora nomina propria & adjectiva, quæ ex solâ qualitate accidentali ita vocantur, pertinent. Ratio differentiæ in naturali rerum proprietate divinâ quadam providentia constituta consistit, quæ immutabilis est, juxta §. 11. Inst. de Jur. Nat. Gent. & Civil. § l. 2. §. 1. ff. de usufr. ear. rer. quæ us. cons. Atque hæc cum rerum vocabulorum causa sit, sequitur, quod effectus talis esse debeat. l. 27. C. de liberal. caus. l. 7. §. 2. de Suppellect. leg. Gothofr. ad l. 4. ff. de Legat. 1. lit. Z. Bald. in l. f. C. fin. cens. vel reliq. Anton. Natta consil. 447. num. 16. Vol. 2. Mund. consil. 18. n. 27. Vol. 2. Vacon. à Vacun. alleg. loc. Donellus lib. 8. cap. 4. lit. C. Quæ tamen immutabilitas tantùm ad individua, ut non pro singulorum arbitrio ac lubitu talismodi nomina mutari possint, restringenda, non verò ad totam quandam gentem, cujus communi consensu sæpè variantur, extendenda est. Vacon. à Vacun. d. l. §. 6. Hillig. ad Donell. cit. loc. Rittersh. ad §. 29. I. de Legat. p. m. 309. Nec mirum etiam



est, moribus civitatis & usu rerum appellationem horum nominum sæpius mutari posse. Siquidem, quod vulgò dicitur, eadem est ratio nominum, quæ nummorum, qui usu valent & publicè mutari possunt. Eleganter Horat. *de art. Poët. vers. 68. ibi:*

-- -- -- *Mortalia facta peribunt:*  
*Nedum sermonum stet honos, & gratia vivax,*  
*Multa renascentur, quæ jam cecidere: cadentq;*  
*Quæ nunc sunt in honore vocabula, si volet usus,*  
*Quem penes arbitrium est, & jus, & norma loquendi.*

Vid. Rebhan *Hodeget. Jur. alleg. loc.* In nominibus verò hominum, qualia diximus esse nomina propria & adjectiva ex qualitate aliquâ accidenti dicta, cum in illis sit causa hominum voluntas, tanquam res maximè mutabilis, *sec. l. 4. ff. de adim. legat. l. 32. §. 2. & 3. ff. de donat. int. vir & uxor.* sequitur & effectum talem esse, nimirum posse contingere illorum mutationem ex singulorum arbitrio. Conf. *h. l. un. C. de mut. nom. d. l. 4. ff. de legat. 1. l. 10. C. de ing. manumiss. Donell. d. l. & Vacon. à Vacunâ n. 5.* itemq; eleganter Vinnius *ad §. 29. inst. de legat. n. 3.* De quibus nominibus propriis eorundemq; mutatione, in quantum scilicet ea permissa & consequenter prohibita sit, nobis tantùm in præsentis Disertatione sermo est. Quamobrem absque ulteriori ambage, sepositâ *Definitione*, vel potiùs descriptione nominali, sic dictam *realem* aggredimur.

VIII. Est autem nominis mutatio nihil aliud, quàm nominis novi à libero homine facta assumptio, vel est nominis hætenus usitati à libero homine facta variatio. Præmissâ sic Definitione reali, jubente ita methodi ratione, ad *Divisionem* Nos accingimus.

IX. Dividimus autem hanc nostram mutationem nominis (1) cum Beckm. *in Notit. Dignit. Illustr. Dissert. 5. c. 2.* in *publicam*, quæ à personis publicis, & *privatam*, quæ à privatis efficitur. (2) in eam, quæ fit *bonâ fide & sine fraude*, & quæ talis non est, sed tendit in *alterius fraudem*, vi *l. un. C. de mut. nom.* quarum prior est *licita*, posterior verò *illicita*, iterumque duobus fit modis, prout in *cap. 3.* sub *Forma* demonstrabimus. (3) in *totalem*, quâ singula nomina, veluti nomen, prænomen, cognomen & agnomen, & *partialem*, ubi tantummodò unum, vel duo, & sic porrò, ex illis mutantur, *arg. l. nostræ un. C. de mut. nom.* vel etiam pristino nomini novum aliquod



aliquod additur. Gvil. Benedict. *in cap. Raynut. in verb. Raynutius de clera. n. 47. § 48. de testament.*

X. Divisionem excipit *Causa Efficiens*, quæ est legis diverso respectu permissio ac prohibitio, idq; tum *ex lege jam alleg. unic.* tum etiam *ex l. 13. ff. ad L. Cornel. de fals.* patescit.

XI. *Subiectum* constituit homo liber, sive sit Clericus sive Laicus, sive nobilis sive ignobilis, & in genere omnis ille, qui nec prohibetur, nec impeditur. *Prohibentur autem Servi*, qui nomina sibi mutare non possunt, ita Bal. & Ang. *ad d. l. un. C. de mut. nom.* cum hæc ipsa lex tantum de liberis loquatur, quibus servi per jura notoria contradistinguuntur. Felin. *in proæm. Decretal. ad verba Greg. Episcop. n. 37.* Menoch. *de arbitr. Jud. Quest. lib. 2. cas. 318. n. 18.* Tulden. *ad l. alleg. C. de mut. nomin.* Salicet. *ad eand.* Præterea præsumitur in servo nomen sibi mutaturo fraus, *per d. l. 13. ff. ad L. Corn. de fals. § Gloss. ad l. un. C. de mut. nom.* cum mutatio planè ad Dominum, cujus & est impositio, spectet. Hillig *ad Donell. lib. 2. cap. 15. lit. f.* Deinde etiam Domino maximè interest, ne fiat ejusmodi mutatio, quoniam eâ factâ servum fugientem haud facile reperire poterit, prout annotavit Bald. *in proæm. C. n. 3.* Deniq; metuendum est, ne servi sibi eligant nomina præclarorum virorum, virtute & monumentis consignata. Notabilis hæc in re apud Aul. Gell. *lib. 9. cap. 2.* occurrit locus, ubi refert: *Majores Athenienses nomina Juvenum fortissimorum Harmodii & Aristogitonis, qui libertatis recuperandæ gratiâ Hippium Tyrannum interficere adorti erant, ne unquam servis indere liceret, decreto publico sanxisse; quoniam nefas duxerunt, nomina patriæ libertati devota, servili contagio pollui. Impediuntur certæ quædam familiae, quibus nomina baptismalia seu prænomina quædam adeò sunt peculiariora, ut ab illis ex familia istâ oriundi recedere nequeant. Præ cæteris exempli loco nobis sunt Illustrissimi Comites Rutheni, qui omnes & singuli Henrici nomine insigniri solent, ita quidem, ut quia hodiè duplex linea senior ac junior floret, vocentur Henrici Seniores & Juniores, adjunctis nominibus *des ersten/ andern ic.* Dietherrus *in additionibus ad Besold. Thesaur. Pract. sub voc. Namen/ Zunamen.* Hujus impositionis duplicem proferre solent rationem, primam, quod, in memoriam collatæ ab Heinrico Aucupe Dominis de Plawen Advocatiæ S. R. Imperii, Henrici nomen omnibus & singulis ex gente istâ oriundis esse debuerit*





commune; alteram, quod Bertha Tyrolensis, Henrici VI. Imperat. consanguinea, Henrici; Divitis Dn. à Plawen uxor à marito suo precibus evicerit, ut in memoriam hujus consanguinitatis omnes quatuor filii ex se nati Henrici nomine insignirentur. Vid. *Generos. Dn. Im-Hoff. in S. R. Imper. Proc. Notit. lib. 6. cap. 14. §. 2. Sc.* Excellentiss. Dn. MOLLER. in *Disputat. de fatalibus nominibus person. §. 5.* Quod porro bey dem Adelichen Geschlecht der Herrn Bünau receptum sit, daß in demselben nur drey Namen gebräuchlich/ als Rudolph/ Günther und Heinrich / testantur Limn. in *Jur. Publ. tom. 1. Addit. ad lib. 4. c. 7.* Dietherr. in *Addit. Besold. Thes. Pract. sub voce: Namen / Zunamen.*

XII. Sic itaque brevibus consideravimus Subjectum, nunc eâ etiam brevitate Objectum, seu materiam Objectivam, perlustrabimus. Versatur autem illa circa Nomina, eaq; , ut in præcedentibus monuimus, *Propria.* Horum autem Nominum propriorum communiter quatuor constituuntur species, *Prænomen* scilicet, *Nomen*, *Cognomen* & *Agnomen*, quas species Græci *χρηματισμὸν*, *ὄνομα*, *πατρωνυμίαν*, *γεννητορίαν* vocant, per §. 29. *J. de leg. l. 4. C. de Testament. & ad eam Gothof. in not. sub lit. S.* quamvis in *l. nostrâ unicâ* tantum trium nominum fiat mentio. Hasq; denominationes quàm maximè apud Romanos viguisse, apud quos pluribus nominibus nuncupari honestum fuit, tam notum est, quàm quod notissimum, demonstr. Pichard. ad §. 29. *J. de Legat. ibique autor. alleg.* Hinc & duo, ut: *Numa Pompilius*, *Tullus Hostilius*, *Tarquinius Superbus* &c. teste *Flor. lib. 1. histor. c. 2. seq.* & tria, v. g. *Marcus Tullius Cicero*, secundum illud *Juvenalis Sat. 5. v. 128.*

-- *tanquam habeas tria nomina* &c.  
*tria nomina Nobiliorum.*

& denique quatuor, ut: *Publius Cornelius Scipio Africanus*, Ingenuos habuisse nomina apud Historicos passim videre licet. Vid. *Valer. Max. l. 10. Epit. de Nomin. Lips. Tract. de nomin. Roman. in Proem. Rebhan Hodeg. Jur. chart. 2. clim. 3. §. 59.* Ut autem quæque harum specierum eò meliùs cognoscatur, ideoq; brevem singularum in præsentia addamus declarationem.

XIII. *Prænomen* erat nomen singulis peculiare & proprium, ut: *Marcus*, *Lucius*, *Paulus*, *Publius*, & *Theophilus* in §. 29. *J. de legat. hoc κνέρον ὄνομα* vocat, eò quod *Nomini* in specie sic dicto

cto



Et si five Gentilitio præponeretur, atque eodem fratres, hic & ille, ad quem pertinebat, in eadem familiâ, à se invicem cæterisq; Gentilibus fuerint distincti, quo de Andr. Alciat. *lib. 4. dispunct. c. 1.* Pichard. *cit. loc.* Vinnius *ad §. 29. J. de legat. Gothofr. ad l. 4. C. de Test. lit. S.* Calvin. *in Lex. Jurid. itemq; Hoffm. in Lex. univers. sub voce nomen, prænomen.* Rebhan *Hodeg. Jur. alleg. loc.* Besold. *in Thes. Pract. sub voce Nomen.* ubi & insimul ex Jac. Sirmond. *in notis ad C. Solium Apoll. Sidonium in præfatione*, quod circa proprium Nomen aliud *ante*, aliud autem *post* everfam Rempublicam Romanam observatum fuerit, adducit. Cæterum Prænomen hoc nemini ante diem togæ virilis sumtæ (de quâ Rosin. *lib. 5. Antiq. Roman. c. 32.*) impositum fuisse, testantur Valer. Max. *d. libr. 10. Epit. tom. Lips. d. l. c. 1.* qui posterior inibi insuper tradit, solenne fuisse, ut natu majores semper Prænomen patris assumerent, Avi verò & Patruorum secundo geniti & ulteriores; Cui tamen asserto non ita simpliciter subscribere possumus, hoc quidem largientes, ut plurimum filiis cum patribus & hæc fuisse communia, *arg. l. 50. ff. ad Sct. Trebell. l. 29. ff. de manum. test. l. fin. ff. de Hered. instit.* Sic & Fulgentii Episcopi nomina fuerunt: *Fabius Claudius Gordianus Fulgentius*, ex quibus Claudius Patri, Gordianus *avo* proprium nomen fuerat. Et Symmachi Oratoris filii nomina fuere: *Q. Flavianus Memmius Symmachus*, ex quibus Flaviani cognomen à patruo, Memmii ab *avo paterno*, Memmio Orfito sortitus est, Jac. Sirmond. *alleg. loc.* Ast multos quoque fuisse filios, qui diversissima à Parentibus habuerunt prænomina, haud negari potest, *sec. Alciat. alleg. loc. l. 4. c. 1.* Illud vulgare est, prænomina, ut vulgò notiora, communius literis tantum initialibus fuisse designata, e. g. *P. Cornelius, M. Tullius*. Cui addendum, Prænomen, si quæ foeminis fuere data, *Caja, Lucia, Martia* &c. inverfis literis solita fuisse scribi sic: *Q. T. W.* postea & hæc obsolevisse, diciq; cœpisse, *Major, Minor, it. Prima, Secunda, Tertia.* Hoffm. *in d. Lex. univers.* Moribus nostris æquipollet huic Prænomini Nomen Proprium, quod nobis imponitur, cum Sacramento Baptismi initiamur & in ecclesiam recipimur, quod pariter gentis cujusque nomini solet præponi. v. g. *Paulus, Casparus, Henricus, Gothofredus* &c. *Anna, Maria, Sabina* &c. Vinn. *alleg. loc.* Rebhan. *Hodeg. Jur. eod. Gothofr. ad d. l. 4. C. de Testam. lit. f.*

XIV. No-

*bold, hoc, quæquæ est, i.*



XIV. *Nomen* in specie illud dixere, quod familiae originem sive Gentem declarabat, magisque hanc ab alia, quam personam unam ab altera distinguebat. Hinc omnes, qui ex eadem Gente erant, eodem nomine appellabantur, v. g. Qui ex gente *Valeria*, omnes *Valerii*, qui ex gente *Cornelia*, omnes *Cornelii* nominabantur. Unde etiam *Ἀγαθόνομος*, Gentilitium, *πατρωνομίον* vocatum: perpetuum penè erat in aliqua gente, statimque Prænomen sequebatur, ut in exemplo: *Publius Cornelius Scipio* &c. manifestum datur. Vinn. omnesque alii auctores sub §. præced. alleg. Atque hoc ipsum nomen facta solenni lustratione recens natis pueris nono, foemellis octavo demum à nativitate die imponebatur, qui exinde *Lustricus*, it. *Nominalis* seu *Nominalia* appellatus. Vid. Plutarch. in *Quest. Rom. quest. 102.* Tertull. lib. de *Idol. cap. 16.* ubi Nominalium solennitatis meminit, Macrob. lib. 1. *Satur. c. 16.* Rosin. in *Antiq. Rom. cap. 19 §. 2.* Rebhan. d. loc. Petr. Gregor. *Thol. Synt. Jur. l. 36. c. 4. n. 1.* Lips. de *Nomin. Rom. c. 1.* atque Carol. du Fresne in *Gloss. ad Script. med. § inf. latinit. verb. Nomen.* ubi idem fermè Græcos observasse, ex Aristotele, Aristophane & Polluce refert. Quoad usum hodiernum videtur idem fuisse, quod nobis hodiè vulgò cognomen dicitur. Ferret. ad §. 29. *J. de Legat.*

XV. *Cognomen* erat, quod nomini subjungebatur, ut discernendarum inter ipsos Gentiles familiarum, idemque omnium, qui ejusdem familiae erant, signum esset; sic in Gente *Cornelia*, qui ex familia *Scipionum*, *Scipiones*, qui ex familia *Lentulorum* omnes *Lentuli* vocabantur. Tertium hoc nomen Plutarchus appellat in *Coriolano* & *Mario*: *Theophilus ἐπὶ ὀνόμων*, estque vel nunc primum partum, aut hereditarium, uti videndum in exemplis *Scipionis*, *Cesaris*, *Ciceronis* &c. ita tamen, ut & novum assumere, variisque ex causis vetustum mutare posteris semper fas fuerit, quo facto postea illud vetustum interdum in nomen, interdum etiam agnomen transibat. Vid. Balduin. ad §. 29. *J. de R. D.* Ferret. d. l. Lips. d. l. & Gothofr. eod. omnesque alii auctores, quos hactenus hanc in rem adduximus. Inprimis evolvendum erit Calvin. *Lex. Jur.* sub voce *nomen*, *prænomen*, ubi dissentientium opiniones solidè refutantur.

XVI. Quoniam autem aliquando contingebat, ut ei, qui tria nomina habebat, propter aliquem eventum quartum nomen & sic alterum cognomen adderetur, ad primi cognominis differentiam, proprio vocabulo illud *Agnomen* dixere. Est autem *Agnomen*  
cogno-



cognominis quaedam quasi species, quæ tamen non omnibus erat communis. Assumebatur extrinsecus vel à re egregiè gestâ, vel à facinore insigni, vel etiam à casu, qualia sunt Scipio *Africanus*, *Nu- mantinus*, à victoriis *Caligula*, *Publicola* &c. Sic & apud *Florum l. 2. c. 6. n. 27.* *Fabius Cunctator Imperiique*, scutum vocatus est. Conferantur Autores, ad quos *sub §. 13.* provocavimus, nempe *Vinn. Alciat. Rebhan, Pichard. Gothofr. Lips. Briffon. aliiq; &c.* præprimis *Theophil. ad cit. §. 29.* Putat hîc quidem *Anton. August. 3. emend. 8.* agnomen hoc nec reperiri, nec esse necessarium. Verùm maximè hîc labitur. Haud equidem negandum est, non adeò frequentem ejus fuisse usum, atque hinc in Jure & apud *Historicos, Poëtasq;* non ita sæpius occurrere, vel maximè propterea, quod cum cognomine confunderetur, ac quasi, prout diximus, ejus species haberetur; attamen ex eo non statim dicendum, hanc nominis speciem planè veteribus fuisse incognitam, aut à Grammaticis demum confictam, minus, eandem ex *d. §. 29. J. de Legat. l. 4. C. de Testament.* planè esse expungendam, refragante non tantùm plerorumq; Exemplarium lectione, verùm etiam ipsâ, quæ subest, rei veritate. *Ferret. d. l. Rebhan alleg. loc. aliiq; Autores jamjam citati*, quantumvis eandem nec *Theophilus* agnoscat. Et *Pausanias* quoque, scriptor probatissimus, in *Achaicis* ita scribit: *Τό τε κ̄ δὲ ποσέλλασιν ἀθηναίοις στρατίαν τε κ̄ ἡγεμόνα Ἀτίλιον, τῆτο γὰρ εἰ τῶν ὀνομάτων λῶ τὸ ἐκδηλότατον, ἐπεὶ καλεῖνται γὰρ ἑ πατρώθεν οἱ Ῥωμαῖοι ὡς Ἕλληνας, ἀλλὰ κ̄ τρία ὀποιαῖς ὀλόγισται, κ̄ ἴππὶ πλείονα ὀνόματα ἐκάσῳ τίθενται.* Tunc autem mittunt Atheniensibus exercitum & ducem *Attilium*, hoc enim illi erat aliorum nominum clarissimum, quoniam non vocantur à patribus *Romani*, sicut *Græci*, sed aliquando tria, aliquando pauciora, aliquando plura nomina cuilibet imponuntur. Ergò præter tertium nomen & quartum quoq; fuit, quos multos quoque habuisse legimus, ut in exemplo jam dato: *Publius Cornelius Scipio Africanus*, it. *Marcus Licinius Crassus Dives*, *Marcus Portius Cato Sapiens*, *Quintus Fabius Maximus Allobrox*, *Lucius Cornelius Scipio Asiaticus* &c. *Vinn. sapiens alleg. loc. & Calv. in Lex. Jur.* Hodiè postquam nomina cujusque Gentis per cognomina efferuntur, propter nomina noviter adjecta, agnomina quoque haud infrequentia esse solent, prout infra *cap. 3. §. 13. caus. VII.* plura indigitabunt exempla. Tantùm de hisce speciebus.

C

XVII. Quod

#  
2

*Artis  
nich  
est i*





XVII. Quod superest, cognationem quandam cum hâc nostra materiâ habet & illud, si quis se pro Nobili, Doctore, Notario, Studio & simili gerat, itemq; si quis aliena sibi adscribat insignia. Vid. Carpz. p. 2. Q. 93. n. 36. & *Autores omnes ibidem allegati*, quâ de re in cap. subsequenti & quidem §. 16. plura differere nobis animus est. Sequitur jam

### CAPUT III.

#### *Exhibens Formam, Effectum & Contraria.*

I.

Postquam à nobis in Capite præcedenti §. 9. divisio proposita fuit in mutationem nominis, quæ fit sine fraude, & quæ talis non est, sed tendit in alterius fraudem, ita, ut prior pro licitâ, posterior autem pro illicitâ non immeritò habeatur; Idcirco & duplex jam observanda erit *Forma*, tum scilicet *licita*, tum *prohibita* mutationis nominum. Consistit autem licita hæc nominis mutatio *in novi cujuscunq; nominis assumptione bonâ fide & absq; alterius læsione facta*, vi l. nostræ un. C. de mut. nom. Nomina quippe vigore ejusdem legis tantum ad recognoscendum singulos ab initio ex arbitrio imponuntur, junct. l. 10. C. de Ing. manumiss. & §. 29. J. de Legat. Initium autem rei spectare non insolens est apud Jctos, sec. l. 8. pr. ff. mand. & l. 12. ff. ad Scutum Maced. Prout itaque ex arbitrio imponuntur, ita etiam ex eodem arbitrio & libertate possunt mutari nomina, cum & aliàs quilibet rerum suarum sit justus moderator & arbiter. l. 21. C. mand. l. 5. C. de Jud. Huc pertinent ea, quæ in cap. præced. §. 7. hâc de re in medium prolata sunt. Adhæc si de corpore constet, quid opus est, ut de nomine curemus? l. 4. C. de Test. l. 32. ff. de V. O. l. 7. C. de Legat. Anton. Pichard. ad §. 29. J. de Legat. Menoch. de arbitr. Jud. Q. cas. 318. n. 2. Greg. Tholos. Synt. Jur. lib. 36. cap. 4. n. 1. Brunn. ad l. nostr. un. C. de mut. nom. Carpz. p. 2. Quest. 93. n. 33. Atque hinc vitiosum planè est, intendere controversiam propter nominis mutationem. Cic. lib. 2. ad Herenn. §. 42. Illud tamen haud ita simpliciter concedendum esse arbitror, ut quis inter Christianos nomen in baptismo inditum propriâ sibi mutet autoritate, cum secundum Montacuc. de Orig. Eccles. tom. 1. p. 1. nomen talismodi baptismale abiciens baptismum irritum fecisse, eidemq; abrenunciasse quasi videatur. Plures pro negativâ adducit rationes Dannhawer. in Mysterosoph. p. 252. & 253.



§ 253. Videat. de hâc quæstione citatus Dn. Moller. *diſt. Diſput. de fatal. perſon. nomin. ſ. 34.* ut & conſummatiffimus Theologus, Domin. D. Carpzov. in ſeinen ſo genanten auſerleſenen *Zugend=Sprüchen/ ubi in 38. Zugend=Spruch p. m. 682.* hâc de mutatione ita loquitur: Was haben doch die Narren vor Urfach/ daß ſie ſich ihres Namens ſchâmen? Iſts ihr Taufname/ den ſie endern/ ſo ſcheinetſ/ als ob ſie ſich ihrer Tauffe ſchâmeten / und mögen denn zuſehen/ daß es ihnen nicht gehe / wie jenem / der in der heiligen Tauffe den Namen Crispinus empfangen/ ſo ihm hernach nicht anſtehen wolte/ und ſich deſwegen Christianus nennete / worüber er aber endlich in ſolche Unſechtung gerieth/ daß er meinete/ es hätte ihn der Satan in Geſtalt einer Fliegen beſeſſen ꝛc.

II. Cæterum in aprico eſt, nominum mutationes & *priscis temporibus* haud fuiſſe incognitas, & *noſtris adhuc temporibus* non adeò eſſe infrequentes. Præcipuè verò mutantur nomina vel in *vivis conſtitutorum*, vel *mortuorum*.

III. De *poſteriori modo* agit Lactantius *divin. Inſt. lib. 1. cap. 21.* Solent, inquiens, *mortuis conſecratis nomina immutari, credo, ne quis putet, eos homines fuiſſe.* Sic apud *priscos* Jo dicta eſt Isis, & Leda Nemefis, & Circe Marica, & Ino, poſtquam ſe præcipitavit, Levcothea, materq; Matuta: & Melicerta filius ejus Palæmon, atque Portunus, ut apud *Natalem Comitum Mythologiæ lib. 8. cap. 4.* videre eſt, cujus Portuni meminit quoque Virgil. *Æneid. lib. 5. v. 241, 242.*

*Et Pater ipſe manu magnâ Portunus euntem  
Impulit.*

Sic & ipſe Romulus poſt factam apotheoſin vocatus eſt *Quirinus*, prout *Historici* paſſim loquuntur. Unde Ovid. *lib. 14. Metamorph. fab. 15.*

*Lustratum genitrix divino corpus odore  
Unxit, & ambroſia cum dulci nectare mixta  
Contigit os, fecitq; Deum: quem turba Quirini  
Nuncupat Indigetem, templisq; arisq; recepit.*

§ ejusdem libri fab. ult.

-- *priscum pariter cum corpore nomen  
Mutat, Oramq; vocat; que nunc Dea juncta Quirino eſt.*

add. Flor. *l. 1. c. 1. n. 17.* § 18. *Limn. J. P. l. 1. c. 11. n. 59.* § 60. Eapropter Heroum templa tranſituri, ne in Deos receptum He-





roem alio nomine, quàm quod impositum ex apotheosi fuit, compellantes offenderent, taciti & filentes, indictoq; sibi silentio precabantur. Rosin. l. 3. *Antiq. Rom. cap. 18.*

IV. Quando in vivis constitutorum nomina mutantur, fit illud vel propter quadruplicem Statum, Ecclesiasticum sc. Politicum, Oeconomicum & Scholasticum, vel propter alias quàm plurimas causas, quarum potiores breviter etiam in hoc capite recensimus. In Statu Ecclesiastico notum est, tum in Veteri, tum etiam in Novo Testamento, à Deo ipso hominibus nomina mutata. Ita enim in V. T. Deus Abrahami, Saræ, Jacobi & in N. T. Christus Petri, Jacobi & Johannis &c. nomina mutasse legitur, cujus ratio fuisse videtur, ut essent nomina ista mutata servis istis Dei *velut Sacramenta rerum maximarum*, & sicuti Chrysoftomus loquitur, de Petri nomine differens, *διηκεῖς διδασκαλία pro jugi magisterio, quæ fidei ipsorum novis indies, in horas, vires sufficeret.* Boxhorn. *Hist. un. ad A. XXXII.* Pari modo & Paulus pristinum nomen Sauli mutavit, cujus ratio videre est apud P. Contzen. *in Comment. ad Rom. in præf. quest. 4.* Porro & novos Christianos nomina Idolorum à Parentibus fortè ipsis imposita mutasse, atque nova nomina inprimis autem Prophetarum sibi adscivisse legimus. Euseb. *lib. 8. c. 21. Hist. Eccles. add. Menoch. alleg. loc. 2. 6.* nec non Jo. Hornbeck. *lib. 1. Miscell. Sacr. cap. 17.* Quapropter & vitam monasticam eligentes necesse habent cum vestimentis & nomen immutare, quod non est *κοσμικόν* sive mundanum, quale est *Alexii, Constantini &c.* sed *καλογερικόν* sive Monachale, *Cyrilli, Theophanis, Basilii, Barnabæ &c.* Elias Veielius *in Dissert. de Anabapt. Monach. de An. 1670. §. 16. §. 30.* Sic in Chronico Malliacensi de introitu S. Maxentii, An. Christi 1080. factò, hi versus leguntur:

*Arcu circarum celatur tempus earum,  
Anni tunc mille Christi sunt 80.  
Istam confratres aulam Domino faciente  
Ad Christum precibus ducat Maxentius almus,  
Qui prius Adjutor, Baptismi lege, vocatus  
Post me noscatur, Maxentius ultrò vocatur.*

Vid. post Procop. *Perf. lib. 1. c. 25.* Carol. du Fresne *in Glossar. sub voce nomen.* Sic quoque hodiè ad Romano-Catholicos ab Evangelicis transeuntes nomina quidem non mutant, novo tamen nomi-



nomine adjecto augent. Vid. Becm. in Not. Dignit. Illustr. Diff. 5. c. 2. §. 1. ubi refert, hâc de re graves querelas Cleri Suedici extare, indignantis Serenissimæ Christina Reginae Suediæ Mariae & Alexandræ nomina in confirmatione Catholicâ adjecta fuisse. A. M. DC. LV. d. XXV. Dec. Der Titel so einer grossen Tochter sey zwar ein grosses und wichtiges Argument für Sie: Sie führe aber nunmehr nicht von ihrem Herrn Vater den Nahmen Gustava, durch Versetzung der Buchstaben Augusta, sondern von ihrem neuen Vater dem Römischen Pabste / welcher der wahren Evangelischen Religion und dessen Anverwandten / einfolgig auch der Cron Schweden ärgster Feind mit wäre / von dem Alexander nehmlich den Nahmen / daß Sie Christina Alexandra hiesse: Diar. Europ. Cont. V. ad diem 29. Octobr. Historiam ipsam refert Thulden. ad A. LV. p. 11. atque actum professionis fidei Romanæ à Christinâ Reginâ Svedicæ factæ Londorp. Act. Publ. Contin. l. 7. cap. 188. Hujus occasione hîc nonnulla quidem de Confirmatione, vulgò der Firmung oder Firmirung / essent dicenda; quoniam autem eam ipsam allegat. Contzen. dict. quest. §. 7. itemq; Speidel. in Spec. lit. F. nec non Vallens. ad tit. 2. de Sacra unct. §. 2. Barbosa aliq; plures ab eo in collect. ad Concil. Trident. sess. 7. de Confirmat. n. 1. allegati Dd. satis explicarunt, hinc studio brevitatis dediti Lectorem illuc remittimus. Confer. Concil. Tridentinum alleg. loc. ut & Limn. de J. P. lib. 1. cap. 11. n. 54. seqq.

V. Maximè huc, usitatissima in Sacro Ordine *μετονομασία*, pertinet, quâ ipsi Pontifices Maximi Imperium suum inchoant, nomen statim transmutantes, atque electio facta est, quod etiam cum primâ Pontificis proclamatione ad populum statim defert Cardinalis huic negotio destinatus: *Ecce annuncio Vobis gaudium magnum: Pontificem habemus Eminentissimum & Reverendissimum N. qui sibi Nomen imposuit N.* Vid. Thulden. ad A. M. DC. LV. de Coronat. Alexand. VII. Limn. tom. 1. Jur. Publ. c. 11. n. 64. 65. & seqt. Gastel. de Stat. Publ. Europ. c. 4. n. 69. Petr. Greg. Synt. Jur. libr. 36. c. 4. n. 3. Menoch. de A. J. Q. cas. 318. n. 3. 4. & seqt. Becm. in Notit. Dignit. Illustr. 5. c. 2. Theodor. in Judic. Crim. c. 8. aph. 11. 13. Anton. Pichard. ad §. 6. J. de publ. Jud. n. 16. & denique die so genannten Monatlichen Unterredungen einiger guten Freunde de An. 1690. mens. Aug. p. 730. 731. Itaque Pontifex





tifex M. *Clemens IX.* ante Julius Rospigliosi vocatus fuit, Antecessor ipsius Fabius Chigijs, *Alexander VII.* & ante eum Johannes Baptista Pamphilius, *Innocentius X.* dici voluit, quod ipsum nomen etiam presentis ævi Pontifex, antea Pignatelli dictus, in honorem Innocentii XI. retinuit, ita ut jam *Innocentius XII.* nuncupetur. Hocq; institutum antea ferè omnes Pontifices secuti sunt, excepto *Adriano VI.* & *Marcello II.* qui præcedenti seculo eadem retinuere nomina, quæ antè habuerant. In articulo mortis tamen videntur aliquando pati, ut, seposito nomine Pontificatûs, pristino nomine privato denuò appellentur: quanquam Alex. VII. id non admiserit: Als der Pater Oliva sich bey Ihm seines vorigen Namens Fabii gebrauchen wolte / antwortet Ihm der Pabst: Wir seynd ja noch Alexander der VII. und nicht Gio Baptista Pamfilio, damit zu verstehen zu geben / daß Pabst Innocentius X. seinen Respect allzu wenig beobachtet / wann er vor seinem Ende sich mit seinem Tauffnahmen Gio Baptista vergnügen lassen / mit Ihme were es noch nicht so weit kommen. *Diar. Europ. Cont. 17. pag. 66.* De origine hujus mutationis constat, eam tempore *Sergii II.* antea *os Porci* dicti, incepisse. An autem sola deformitas nominis, secundum multorum opiniones, illi causam dederit, cum pluribus hæc in re Scriptoribus, inprimis *Limn. d. l. n. 66. § seq.* ac *Becm. cit. loc. alijsq;* negare non erubescimus, potius statuentes, (*si ejus, quod voluntatis meræ est, genuina potest dari ratio*) *Sergium* exemplo Christi, Salvatoris nostri, *Simonis* nomen in *Petrum* seu *Cepham* immutantis, ad hujusmodi mutationem fuisse adductum. *add. Greg. Tholos. supra jam alleg. loc. Menoch. d. l. n. 5. Gastel. d. l. n. 70. § 71.* Id ipsum tamen admiratione dignum est, quod etiamsi omnes Pontifices Petri se successores prædicent, nemo tamen sibi ejus nomen expetat, sed si quis vel maximè in baptismo id acceperit, & in Cardinalatu constanter gesserit, tamen Papa factus id abjiciat. Vid. *Incomparabilis WAGENSELIUS in Diss. de Elect. Roman Pontif. §. XXII.* ubi rationem à *Forer. l. 1. Antiq. papal. c. 26.* hæc de re communicatam: Damit dann dem Petro dieser sein Name / der ein sonderbahres Geheimnus begreiff / allein und eigen verbleibe / pflegen sich die Pabste ans Ehrerbietung zu enteuffern / *more suo*, i. e. : perspicacissimè interpretatur.

VI. Haud absimilis huic apud Patriarchas Constantinopolitanos & Russicos observatur mutatio. Ita Michaelis Federo-

WIZ





wiz in Russia Parens, Fedor Nikitiz, cum Patriarcha crearetur, appellatus fuit *Filiret Nikitiz*. Olear. *Itin.* p. 58. Georg. Schola-rius, primus post captam Constantinopolin Patriarcha, *Gennadius* dicebatur. V. Crus. *Turco-Græc.* p. 108. Et Malaxus in vitâ *Maximi Patriarchæ* eum antea Manuelem nuncupatum scribit: Ὁ πῖϞ ἦτο μέγας Ἐκκλησιάρχης τῆς μεγάλης Ἐκκλησίας ταύτης τῆς Κωνσταντινουπόλεως ὀνόματι Μανηήλ. Ἐκαμει ἦ αὐτὸν τὸν μέγαν Ἐκκλησιάρχην καλόγηρον ἢ ἐμετονόμασαν αὐτὸν Μάξιμον. Erat ille *Magnus Ecclesiarcha magna Ecclesie Constantinopolitane dictus Manuel*. Sumsere autem *Magnum* istum *Ecclesiarcham Monachum* Ϟ mutato nomine dixerunt *Maximum*. Ubi tamen inter mutationem hanc & Pontificam hocce notandum est discrimen, quod posterior ut plurimum dependeat ab arbitrio Pontificum, prior autem Græcorum & Russorum eidem literæ initiali sit alligata, id quod in allegatis exemplis, ut *Fedor, Filiret, Manuel, Maximus* liquet. Bec. *alleg. loc.* Notanter verò dixi *ut plurimum*. Memoria enim proditum est, aliquando nomina, quæ recens electi Pontifices imponi sibi volebant, à Cardinalibus fuisse repudiata. Id quod accidit in *Cosmo de Sulmone*, qui *Clemens* audire antea exoptaverat, & deinde Innocentii nomine contentus esse debebat, quia invisa tum erat Clementis appellatio, ob sedem à Clemente Avenionem nuper translata. Similiter *Petro Barbi*, Veneto, Cardinales *Formosi* nomen non concessere, ne ob corporis ejus pulchram speciem, vanitatis id argumentum reputaretur; quin nec alterum *Marci*, quod in mentem venerat, cum iisdem probare posset, tandem subridens, ergò *Paulum*, inquit, *me nominabo*. laudatus DN. WAGENSEIL. *alleg. loc.*

VII. Quod *Statum Politicum* concernit, jure meritoq; Babyloniorum hîc laudamus consuetudinem, quâ, qui ad Imperii gubernacula admovebatur, mutato ea suscipiebat nomine. Heurn. *lib. 2. barbar. philosoph.* Eandem etiam mutationem apud Persas in usu fuisse, docemur exemplo *Darii Codomanni*, qui post mortem *Ochi Regis ob memoriam pristinae virtutis Rex à populo constituitur Darii nomine condecoratus*. Justin. *l. 10. cap. 3.* cui ratio additur: *ne quid Regiæ Majestatis deesset*. Et *Artaxerxes Mne-mon* antea *Arficas* vel *Oartes* dictus fuit. Plut. *in Artax. init.* Item in exercitu Alexandri M. pedites *Aridæum*, Alexandri Fratrem, Regem





Regem appellant, ac nomine *Philippi* Patris vocari jubent. Id. *Justin. l. 13. cap. 3.* Sic *Curtius* de *Omphis*, Rege *Indiae*: *Omphis*, permittente *Alexandro*, & *Regium Insigne* sumsit, & *more gentis suae* Nomen, quod *Patris* fuerat, *Taxilen* appellavere *Populares*, sequente *Nomine Imperium*, in quemcunq; transiret *lib. 8. cap. 12.* Et apud *Romanos* *Alexianus* cum à *Pseudo-Antonino* *Cæsar* declararetur, *Alexander* nuncupatus fuit, avito suo nomine in *Macedoniae* Regis nomen mutato. Vid. *Herodian. in Histor. L. V. Xiphil. in eod. à Bec. d. l. alleg.* In re planè simili *Tacit. 2. Annal. cap. 56.* Igitur *Germanicus* in urbe *Artaxata* adprobantibus nobilibus, circumfusa multitudine, *insigne regium capiti ejus imposuit.* Cateri venerantes regem *Artaxiam* consalutavere; quod illi vocabulum indiderant ex nomine urbis. Vid. omninò *Freinshem. in not. ad Q. Curt. d. l. 8. c. 12.* ad verba: *Sequente nomine imperium.* Huc etiam spectat, quod Reges creando *Heroldos*, nomina illis pro lubitu assignare consueverunt. Et ils souloient appeller ceste imposition de nom baptiser: pour ce que les Princes renversoient coupe de vin sus la teste du poursuivant la Royauté d'armes, ou de heraut, en les nominant du nom qu'ils vouloient. *Fauchet liv. 1. de l'orig. des Chevaliers. ch. 3.* Sic & ipsis *Imperatoribus* creatis antiquitus & nomina & cognomina nova deferebantur, impuneq; & licitè illa ab iis & ab aliis accipiebantur. doc. *Greg. Tholos. in Synt. Jur. l. 36. c. 4. n. 4.* ubi & insimul exempla *Vitelii* sc. *Severi*, *Juliani* & *Commodi* adducit. Id quod suis etiam comprobant exemplis *legis nostr. un. C. de mut. nom. supra* memorati *Auctores*, *Diocletianus* & *Maximianus*. Ille enim cum adhuc privatus esset, *Diocles* vocabatur, *Imperator* autem factus, appellari voluit *Diocletianus*. *Rupertus ad Besoldi synopsis. histor. c. 14.* imò assumpsit quoque nomen *Jovis*; hic autem *Maximianus* nomen *Herculei*. *Marcus Aurelius Victor, de Cæs. c. 39. & post illum. Matth. in Theat. Histor. & Joh. Cluverus epit. histor. in vitâ utriusq;.* Hodie autem inter *Reges Europæos* hæc nominis mutatio nulla est. *Bec. sep. alleg. loc.* Nisi, quòd *Carolus IV.* ante se *Wenceslaum* dictum commemoret ipse in vita sua à se descripta, quæ exstat, inter *Bohemiae* *Scriptores*, ex *Biblioth. M. Freheri Hanoviae An. 1602. editos, pag. 89.* ut & *Lehmann. in Phylor. A. B. t. 5. in exordio. Rumelin. ad A. B. Diss. 1. §. 3. Limn. in Observationibus ad Eand. Obs. 5. ad proœmium & in J. P. lib. 1. cap. 11. n. 45.* & ante hos *Cuspinian. in vitâ Caroli IV.* *Rex Abyssinorum* tamen eâ adhuc utitur. *Mos quoq;*



quoq; in Æthiopiâ invaluit, ut tempore Inaugurationis Regibus Æthiopiae boni ominis causâ cognomentum aliquod votivum, quod deinde Nomi-  
mini Baptismali plerumq; prævalet, acclamaretur. Hotting. Topo-  
graph. Eccles. Or. c. 5. Quo intuitu Atani Tinghil, qui ad Emanu-  
elem, Regem Portugalliæ, scripsit, se Inaugurationis tempore Da-  
videm vocatum perhibet apud Damian. de Goes de mor. Æthiop.  
Ac nomen Pretiosi Johannis inde enatum suspicatur Hottinger. loc.  
ant. cit. Also auch in Frankreich / welcher die Graffschafft Laval be-  
herzcht / muß jederzeit den Nahmen Guy (Guidonis) de Laval  
führen. Dietherr. in Add. ad Besold. Thes. Pract. sub voc. Namen.

VIII. Hic quoque non prætereundum, quod & peregrini,  
qui ad Jus Civitatis Romanæ admittebantur, nomen Romanum  
assumere necesse habebant, & ejus potissimum, cujus clientelæ se  
submittebant, vel cujus munere civitate erant donati, ut Caburus  
Gallus ap. Cæs. in comment. quia à C. Valerio Flacco jus illud ha-  
buerat, C. Valerius Caburus dictus est. Sic Philoxenus est C. Avia-  
nus dictus; Sic Megas est P. Cornelius nuncupatus, ut est apud Cic.  
epistola ad Acilium, quod & multis aliis exemplis ostendi potest &  
ab aliis adnotatum est. Sic denique Archias Poëta, posteaquam  
Civis Romanus factus est, Aulus Licinius appellari cœpit, quod in  
illâ Oratione pro Archiâ ipso habitâ idem ostendit Cicero. Vid.  
Alciat. Parerg. Jur. l. 9. c. 16.

IX. Sistit jam nobis se se tertius Status, nimirum *Oeconomicus*.  
In hoc Statu triplex observari meretur potestas, *Maritalis*, *Herilis*  
& *Patria*. Ratione *Maritalis* nupta, tanquam familiæ finis l. 195.  
§. ult. de V. S. familiæ suæ nomen immutat, & mariti assumit. Cu-  
jus rei Deum autorem Cypræus statuit, utpote qui à viro nomen  
mulieri imposuit, ut ab ו'א Isch, adjectione unius literæ ה, ה'א,  
Ischa nominaretur, quasi à viro vira. Quod ipsum tamen non  
immediatè Deo ipsi, sed potiùs Adamo adscribendum esse censet  
Dietherr. in addit. ad Besold. Thes. Pract. sub voc. Namen cum  
Adam Evam primùm conspiciens dixisset: Hoc est os ex ossibus meis  
& caro ex carne meâ: propterea vocabitur virissa, quia ex viro sumta  
est ista: Gen. 2. v. 23. Idq; etiam apud Hebræos deinceps fuisse ser-  
vatum, ex Prophetæ Esaiæ verbis cap. 3. in fin. evincit. Refert quo-  
que ibidem jam laudatus Autor Dietherrus antiquam formulam,  
quâ uxor mariti domum ingressa utebatur: Ubi tu Cajus, ego Cajo  
ero, sec. Petr. Heig. ad pr. J. de patr. pot. n. 25. insimulq; ex Lucano  
elegant-





elegans exemplum de *Martia*, antea Catonis, sed postea Hortensii uxore, allegat, in verbis:

-- *Da tantum nomen inane  
Connubii, liceat tumulo scripsisse Catonis  
Martia.*

Vid. tamen de hac nominis mutatione Menoch. *de A. J. Q. cas. 318. n. 16. 17.* Notari etiam hic meretur, quod Græcis Byzantinis & præsertim ipsis Augustis solenne fuit, cum sibi ex Latinorum Gente uxores asciscerent, earum nomina mutare. Ita Johannis Comneni uxor, Ladislai, Hungariæ Regis, filia, quam Pyriscam vocant Thwroczius, Bonfinius & Pistorius, hanc in rem allegati à Carol. du Fresne *in Glossar. verbo nomen.* & Bertha, Conradi Imperatoris filia, Manuelli, Johannis filio, nupta, *Irenes*: & Agnes, Ludovici VII. Franc. R. filia, Alexii Comneni conjux, *Anna* nomine donatæ sunt. Cujus moris alia exempla complura suggerit du Fresne *in Famil. Byzant.* ad quem locum in Glossar. provocat. Hoff. *in Lex. univers.* sub voce *nomen.* Porrò peculiare quid est, quod Gentes in Occidentali reperiantur Indiâ, quæ viris conjugatis eam indulserunt facultatem, ut uxoribus suis certa possint imponere nomina. Als die wilden Suppin Jmba nennen ihre Weiber *Quoniam, an den Orten aber / da sie mit den Portugalesern umgehen / Mariam.* Dn. Moller. *cit. loc. §. 7.*

X. Vigore *Herilis potestatis* Dominus seruo pro arbitrio nomen, vel à gente, ut ὁ Σύρῳ, vel à complexione ac calore, ut ὁ Ξανθίας, seu ὁ Πυρρός: vel à dotibus, ut ὁ Πισός, ὁ Δρόμων, vel à tempore, quo emebantur, ut ὁ Νεομηνίας, vel denique à Prænominibus propriis, ut Caipor, Lucipor, Marcipor, Publipor &c. teste Phot. & Vossio *in Oratoriis*, quos sequitur Hoffm. *in Lex. univers. d. l.* imponit iterumq; immutat, prout *cap. 2. §. 11. ex Hillig. ad Donell.* demonstravimus. Libertus quoque nomen Patroni assumit & ejusdem cum Patrono suo familiae esse censetur, hinc eruditus ille libertus Ciceronis *M. Tullius Tyro* dictus est, test. eod. Hilliger. *l. 2. c. 15. lit. F.* cui addi possunt *lex. 108. de cond. & demonstr. l. ult. de Instit. l. 126. §. 2. de V. O. Curt. 1. Conject. 26. Briffon. 1. antiq. 11. §. 2. ant. 14. Gothofr. ad l. 9. C. de liber. caus. & ad l. 10. C. de ingen. manumiss. Menoch. d. l. n. 7. Perez. ad l. nostr. un. Alciat. libr. 4. Dispunct. c. 1. & lib. 9. Parerg. Jur. c. 16. Alex. ab Alex. lib. 2. c. 19.*

XI. Tan-



XI. Tandem ratione *Patriæ potestatis* pater non tantum naturalis, sed & civilis, seu adoptans, liberis pro lubitu nomina indere & mutare potest. Exempla habemus in Sacris literis in *Lamechio*, *Gen. 5. v. 28.* *Jacobo*, *Gen. 35. v. 18.* & *Zacharia*, *Luc. 1. v. 63.* Ratio, cur tale jus *ὀνομαστικῆς* Patribus competat, ex Grot. *de J. B. & P. libr. 2. cap. 5. §. 1. & 26.* peti potest. Quâ ratione autem & quibus potissimum modis ista nominum impositio soleat fieri, videre est apud cit. Dn. Moller. *in dict. Disp. de fat. pers. nomin. a §. 2. usq. ad 8.* Inprimis hîc notandum, quod apud Romanos illi, qui per adoptionem alterius fiebant familiæ, nomina & cognomina eorum, à quibus adoptabantur, accepere: addito in fine nomine suæ Gentis vel cognomine aliquo familiæ suæ peculiari, e.g. M. Junius Brutus, cum adoptatus esset à Q. Servilio Capione Agalone, vocavit se *Q. Servilium Capionem Agalonem Brutum*. Octavius contra adoptatus à Julio Cæsare, Nominis sui Gentilitio retento illud in adjectivum mutavit, nominariq; voluit: *C. Julius Cæsar Octavianus*. Imò & agnomen quandoque retinebant. Sic Atticus adoptatus à Q. Cæcilio, *Q. Cæcilius Pomponianus Atticus* dictus est; vel novum agnomen virtute merebantur, quemadmodum *Octavius Augustus* postea agnominatus fuit. Hoffm. *in Lex. univ. p. 215.* Limn. *J. P. c. 11. n. 71.* Perez. *d. l.* Alciat. *d. l.* conf. tamen Boëcler. *dissertat. de Auspicio Regio.*

XII. Ordo me jam ad quartum & ultimum Statum, nempe *Scholasticum*, deducit, in quo sæpius Discipulis à Præceptoribus mutari solent nomina. Sic *Sabino* Poëtæ, antea *Schulero* dicto, à Poëtis & Præceptoribus nomen fuit immutatum. Judicarunt enim illi nomen exile Schuleri, quod *Scholasticum* seu *Discipulum* nostrate linguâ sonat, tanto Poëtâ indignum esse. Lemnii huc pertinet distichon:

*Diceris ingenii propriâ virtute Sabinus,*  
*Alter de patria Gente Sabinus eras.*

Sic, teste Thuano *Hist. lib. 26.* Joh. Reuchlinus Philippi Schwarzis Erd Cognomen in Græcum *Melanchthonis* nomen mutavit, sicut suum à fumo denominatum ab Hermolao Barbaro olim in Italia in *Capnionem* conversum meminerat. Sic Johannes Hauschein in *Oecolampadium*, Johannes in *Wendelstein* mutatus in *Cochleum*, aliter aliis sub renascentibus literis in Germania, nomina fuere





immutata. Aliud exemplum refert Geisler. *in Dissert. de hâc mater.*  
*J. 54.*

XIII. Absolutô jam quadruplici Statu, nunc ad *ceteras causas*, ex quibus licita etiam nominum mutatio solet contingere, progredimur. Tales sunt (I) *Metus violentiæ*, ob quem, tanquam defensio pro se suisq; rebus, licita est mutatio nominis, uti sæpius accidit in hostibus, latronibus &c. Prosper. Far. *Prax. Crim. q. 150. n. 145.* (II) *Depulsio morbi*, qualis *περνοουααία* apud Judæos conspicitur, qui eam toties adhibere consueti sunt, quoties periculosis affliguntur morbis. Hujusmodi formulam recitat Becm. *sep. alleg. loc. ex Buxtorf. Synag. Jud. cap. 49. Misereatur Deus super N. vitæq; ac valetudini pristinæ eum restituat, voceturq; in posterum nomen ejus N. letetur in nomine hoc suo, & confirmetur illud in eo &c. Sit quæso beneplacitum tuum, o Deus, ut mutatio nominis ipsius faciat ad abolendum ab eo omnia decreta dura & mala & ad lacerandam sententiam contra ipsum latam; si mors decreta est super N. (nomen prius) non tamen decreta est super N. (nomen posterius & novum) si decretum malum factum est contra N. non est factum contra N. Eâ hâc horâ est quasi vir alius, sicut creatura nova, & sicut parvulus recenter natus ad vitam bonam & longitudinem dierum. &c.* Vid. etiam supra allegatus Carpzov. *in den so genanten Zugend. Sprüchen d. l. p. 678.* (III) *Metus infamiæ*. Eapropter nomina mulieres mutabant, quæ sua nomina apud Ædilem profitebantur, meretricum quæstum incepturæ. *Limn. J. P. l. 9. c. 1. n. 86. Die Huren/ die öffentliche Huren-Häuser wolten halten/ pfliegten ihre Nahmen zu ändern / Holländisch Kriegs; Recht art. 69. Plaut. in Pœnulo act. 5. scen. 3.*

*Namq; hodiè earum mutarentur nomina,  
 Facerentq; indignum genere quæstum corpore.*

Cui loco Taubmann. *in Comm. addi poterit. Cornel. Tacit. 2. Annal. 85. n. 2. Vistilia, inquit, Prætoriâ familiâ genita, licentiam stupri apud Ædiles vulgaverat; more inter veteres recepto, qui satis pœnarum adversum impudicas in ipsa professione flagitii credebant. Hinc Juvenalis de Messalinâ scripsit Satyr. 6. vers. 124.*

*-- Titulum mentita Lyciscæ,  
 Intraſti quoties inſcriptæ limina cellæ.*

Mere-





Meretricum enim cellis inscripti erant tituli. Unde Seneca *libr. r. controu. 2. Meretrix vocata es, in communi loco stetisti, superpositus est cella tua titulus, venientes recepisti.* Vice versâ vitæ meretriciæ & quæstui meretricio renunciantes, nomen sibi ingenuum liberumq; resumebant, priore illo meretricio sc. deposito. Alciat. *alleg. loc. sub lit. b. (IV) Spes lucri*, qualis occurrit in hereditatibus, legatis & donationibus, si nempe quis sub eâ conditione fit heres institutus, vel alicui aliquid legatum donatumve sit, ut nomen testatoris aut donantis assumat. Quo in casu mutatio omni jure procedit & à Prætorè exigitur *sec. l. 63. §. 10. ff. ad SCtum. Trebell.* Et de donatione extat textus *l. 19. §. 6. ff. de donat.* Sic Augustus Cæsar, quos heredes primos dum instituit, Tiberium ex parte dimidiâ & sextante, Liviam ex parte tertia, *jussit ferre nomen suum.* Suet. *in vitâ istius c. 101.* jung. Gothofr. *ad l. 63. §. 10. ff. ad SCtm. Trebell.* ubi *sub lit. l. Ciceronem l. 3. offic. §. epistol. 8. lib. 7. ad Atticum*, plura exempla ejusmodi habentem, allegat. Remittit tamen hanc conditionem ferendi nominis Prætor in famosis & turpibus nominibus, ut si nomen testatoris *Vispellionis* quis deferre jubeatur, *quia dignitatis ratio habenda est. l. 8. ff. ad SC. Trebell.* Conf. etiam hâc de re Alciat. Menoch. *d. l. Petr. Gregor. Tholos. l. 36. c. 4. n. 5.* Perez. *d. l.* & omninò latissimè id tractans Guil. Bened. *in c. Raynutius in verbo de Clera n. 44. §. sequent. de Testament. itemq; Tyraquell. in tract. de leg. connubial. lib. 5. n. 24. (V) Turpitude nominis*, ob quam haud rarò obvenire solet mutatio. Brunn. *ad l. nostr. un. C. de mut. nom. n. 1.* Farinac. *quest. 150. n. 145.* Sic in Narisciâ familia quædam mihi nota est, quæ cognomen *Mirus* sibi adscivit, cum antea *Narren* nominarentur, itemq; alia quædam familia, cognomine *Sûnderhauff* assumsit sibi aliud: *Sion der Hauff.* Nec enim satis honestum videtur habere nomen, quod turpe quid significare possit. Gregor. *Tholos. d. l. n. 3.* cum turpia nomina sæpè in malam partem sonent & sinistram inducant suspensionem. Guil. Bened. *alleg. loc. n. 52. ubi ex cap. 26. §. de elect. §. c. 1. de depos.* exempla de *Mascarone*, qui Simoniacus fuit, & de *Beliade*, qui propter furta torturæ fuit suppositus, hanc in rem adducit. Atque hinc in materiâ inquisitionis, quando plures capti essent, ac dubium, à quo quæstio prius inchoanda sit, cessantibus aliis indiciis, ab illo benè inchoari posse, qui turpe nomen haberet, statuit *Barbof. lib. 12. c. 14. ax. 2. ibidemq; pro hâc suâ sententia plures alios*





Autores allegat. Cui tamen sententiæ non nisi cæteris paribus calculum nostrum adjicimus, perinde ac illi, quod è contrà, pulchrum nomen bonam inducere præsumtionem, Barbof. *cit. loc.* asserat, cum secundum notissimos illos G. Sabini versus in Epigrammat.

*Te magis elinguis cum sit nec agrestior alter,  
Quare Mercurii nomen ineptè geris?  
Non ita quod præstas dicendi laude, vocaris:  
Sed potiùs, turpi furta quod arte facis.*

Item

*Diceris Urbanus: sed nominis immemor hujus  
Semper inurbanus, cum bibis, esse soles.*

quàm plurimi hodiè, qui, posthabito boni ominis nomine, quodvis ferè malitiæ genus exercent, inveniantur. Utut cum Limn. *lib. 1. J. P. c. 11. n. 48.* Parentibus consulendum esse censeamus, illos nempe debere liberis ejusmodi nomina imponere, quibus auditis perpetuò moneantur pulcherrimarum actionum, quibus & vitæ decorum continetur & summa felicitas comparatur. Sic, inquit, Aristoteles nomine suo monebatur, tum nihil ut faceret, quod non ad optimum finem conduceret, tum ut quæcunq; moliretur, ea & optimè perficeret, & ad summum bonum referret, *it. n. 49.* & seqt. ubi & Pythagoræ, Socratis & Plutarchi nomina explicat. Conf. citatus Carpzov. in *Zugendsprüchen p. 664.* De Erasmo constat, illum genuinum nomen suum Gerhardus Gerhardi, quia vocabula desiderabilem & amabilem indolem ipsi denotare videbantur, cum isto, quo postea innouit, *Desiderii Erasmi* commutasse. Voss. *de Theol. Gentil. l. 3. c. 85.* Quid? quod ipsis Pontificibus in assumptione novi nominis usitatum est, ut, qui fortè malefici antea fuerunt, *Bonifacii* appellentur, qui timidi *Leones*, qui rustici *Urbani*, qui improbi *Innocentii*, qui feroces *Clementes*, qui malè audierunt, *Benedicti*, ut saltem nomine ornamento sint dignitati. Vid. DN. WAGENSEIL. *alleg. loc. ex Polyd. Virgil. lib. 4. de Rer. Juv. c. 10.* jam dicta referens; quamvis etiam ibidem addat, non defuisse, qui alias mutandi nominis occasiones captarunt, ut Æneas Sylvius Pius salutari voluit, ut in se quadraret illud Maronis: *Vir pius Æneas.* De pulchro nomine JOSEPHI vid. Fritsch. *in annot. ad Capit. Josephi l. p. 144.* Inde etiam dicitur, quod præmium sit non modicum, pulchrum & honestum



stum habere nomen, cum à nomine & cognomine multoties sumatur & permiffa fit argumentatio. Guil. Bened. *alleg. loc.* Eberh. *in loc. ab Etymolog. n. 1.* adeò, ut fi venderentur, maximo emi deberent pretio. Joh. Andr. *in cap. 1. §. de depos. § c. 16. §. de praebend.* Imò

*Nomina sunt omen, venturi praescius Idmon  
Fertur § Hyppolitus dilaceratus equis.*

XIV. Nullam tamen hinc cum Limn. *alleg. loc. n. 74. 75.* agnoscimus (a) *fatalitatem nominum*, quod committere dicit Estienne Pasquier *es recherches de la France livr. 4. chap. 24.* & autor sequentium:

*Il ne faut plus nominer Henrys les Roys de France :  
La mort par deux cousteaux, § un esclat de lance.  
A tué trois Henrys ; l' un joustant à cheval,  
L' autre en son cabinet, le tiers en sa carosse.  
Cinq Roys du nom de Jacque, ont fait croire à l' Escosse  
Qu' il y a dans les noms quelque secret fatal.*

h. e. non amplius Reges Galliae nominari debent Henrici. Mors per duos cultros § unum fragmentum Lanceae interfecit tres Henricos: unum equestri Lancea ludentem in equo, Alterum in conclavi suo secretiore, tertium in suo carpento. Quinq; Reges nomen Jacobi habentes, fecerunt, ut credatur in Scotia nominibus inesse aliquod secretum fatale. Sic nomen Philippi prorsus ominosum esse Magnatibus tradit Richt. *in axiom. oconom. ax. 4. exempl. 2.* Et apud Würffbain. *in Relat. Histor. p. 6. pag. 166.* sequentia hinc de fatalitate habentur: Bey welcher Stadt Padua neben andern an des daselbsten befindlichen Antenoris Grabstatt/ und dem dabey gefundenen Schwerdt 7. Vers des haubtsächlichen Inhalts begriffen seyn: So oft dieselbe Stadt einen Regenten / dessen Nahmen von dem Buchstaben A seinen Anfang nimmt/haben würde/so oft werde Sie allerhand Ende rung und Gefahr ausstehen müssen/welches auch bey dem Antenore, Attila der Hunen/Agilulpho der Gothen König/ Actiolino dem Tyranno, Ansedisio seinem Vettern / Alberto Scaligero und Andrea Nerio der Cararienser Obersten in der That erfolgt ist. Item porrò: Bey welchem Paß denn merckens werth ist/das auf manchen Nahmen sich was besonders zugetragen hat: Als da zum Exempel bey den alten Römischen Keysern alle und jede/welche das Wort Caji zum Vornah



Vornahmen gehabt haben / nehmlich C. Julius Cæsar, C. Tiberius, C. Caligula, C. Galba; C. Vitellius / und andere / unnatürlichen Todes gestorben seyn. So hat man auch bey dem Nahmen Sexti erfahren müssen / was er in der Stadt Rom für Jammer und Noth angerichtet hat / darauf denn nachfolgende Vers geschmidt worden seyn: Sextus

*Vendit Alexander Sacramenta, Altaria, Christum,  
Emerat ille prius, vendere jure potest.  
Sextus Tarquinius, Sextus Nero, Sextus iste  
Semper sub Sextis perdita Roma fuit.*

Darbey auch noch ein anderer Fall vorhanden ist / welcher massen unter den Fürsten des Reichs / drey einerley Namens und Geschlechts innerhalb 10. Jahren ein vornehme Stadt zu dem vierdtenmal mit allerhand Belägerung angegriffen und verfolgt haben. Hactenus ille. Zu Erfurth in Thüringen solle man keinen in Rath / der Peter heißt / nehmen / teste Mart. Zeiler. in *Miscellan. pag. 240. nec non in Tract. de dec. Circul. sub Circul. Saxon. in verbo: Erfurth / It. Wo ein Johannes im Hauß sey / da schlag der Donner nicht ein / und da er gleich einschlug / so thäte er doch keinen Schaden. Id. p. ead. In Misnia familiâ nobili, quæ tria sibi elegit peculiaria prænomina, de quâ antea, nisi unum imponatur infanti recens nato, illum quasi fataliter mori, asserit Dietherr. in *contin. Besold. p. 438. sub voc. Namen.* Pari modo & Comitum Olivariensem Don Caspari de Guzman, filii sui naturalis A. MDC XLII. publicâ agnitione legitimati, nomen *Juliani*, in baptismo ipsi impositum, utpote Hispaniæ Regibus semper infaustum, abrogasse, eumq; *Henricum Philippum* vocasse, doc. Becm. *alleg. loc.* Vid. omninò Dn. P. Moller. in *dictâ Dissert. de fatalib. person. nomin.* ubi plura ejusmodi nomina secundum seriem alphabeticam congesta reperies. Verùm enim verò in omnibus hactenus adductis exemplis nudis nominibus effectum talismodi nuda tantum tribuit superstitio, non vera aliqua religio. Carol. Paschal. in *legat. c. 7.* Nomina enim mera sunt accidentia, atque adeò accidentia, ut neutiquam sint res, sed rei ab animo ficta nota. Jul. Cæsar Scalig. *exerc. 260.* Optimè hinc Bornmeister. in *lib. cui tit. Neu-eröffneter Schau-Platz der Kayser / pag. 1028.* die Namen / inquit, die Täg / der Ort haben an und vor sich selbst keine Krafft / oder Würckung / durch welche den Menschen könte*



könte ein Unfall zugezogen werden / und ist demnach nicht auffer al-  
 len Uberglauben / wenn man darinnen etwas besonders suchen wol-  
 te / da doch nichts zu finden. Gleichwol muß es was seyn / das solche  
 niedrige Fäll verursachet: Was es aber sey / das läßt sich nicht an-  
 ders / als durch Muthmassung aus Ermangelung anderer Gründe  
 schliessen. Und könte man demnach da hinaus gehen / daß ein solch  
 mächtiges Wesen seyn müsse / durch welches Gottes Wunder-Ne-  
 gierung / aus / dem Menschlichen Verstand ganz unerforschlichen Ur-  
 sachen / etwas solches will verrichtet haben. Multo minus (ß) cum  
 Limn. alleg. loc. n. 76. nobis arridet sic dicta Cabala, cujus munere  
 profundam aliquam è nominibus eruere excellentiam haud pauci  
 hactenus laborarunt. (VI) *Amor modestia*. Huc Scriptores non-  
 nulli *Anonymi* aut potius *Heteronymi* referri queunt, qui plurima  
 scripta aut nullo plane nomine subscripto, aut potius assumpto alie-  
 no in lucem edunt. De quibus Geisler. in *Dissert. de Script. Ano-*  
*nym. th. 6.* ubi inter alia exempla non immeritò *Gustavum Selenum*  
 i. e: *AVGVSTVM, Brunsvicensium & Luneburgensium Ducem,*  
 omni literarum genere excultissimum Principem, eo nomine cla-  
 rescere tradit; præprimis verò Vincent. Placc. *de Script. & Scri-*  
*ptor. Anonym. atq; Pseudonym.* in quo tractatu ad fesquimille omnis  
 generis argumenti linguarumq; scripta, partim nullis, partim falsis  
 Nominibus præfixis antehac edita, suis Auctoribus restituit. His  
 addi potest Limn. cit. loc. n. 72. qui ingenere de Autoribus heterony-  
 mis sic loquitur: *Hodiè licentioso hoc seculo, numero plurimos reperire li-*  
*cet, qui, nescio quâ gravitate, cum Edmundo Capiano concert. Eccl. Angl. 3.*  
*sæpius & nomina & vestes mutant & Protheo mutabiliores in teatro li-*  
*terario apparent. Ita mox videbis Eberhardum à Weihe, mox Durum dî*  
*Pascalo, mox Waremundum ab Ehrenberg, mox Mirabilem de Bona Casa*  
*unum eundemq; Politicum constituere.* (Quem proinde Dan. Otto de  
*Jure P. cap. 10. in princ.* Proteum in nomine, quidam verò qui se  
 Dominum Christophorum von Burgersdorff appellare amabat, in  
 Classico illo, sub tit. *Erinnerung von der Calvinisten Art und Feinds-*  
*seligkeit / propterea traducit, & den Nasenweisen Hoff Schul-*  
*süchsischen Doctor Edelman nennet / hunc tamen contra Sarcas-*  
*num illius, Author der Ableinungen und Gegenerinnerungen / so-*  
*lide defendit.) Nunc erit (Petrus) Syringus, qui modò (Justus) Sprin-*  
*ger. erat: Ant. Benbellona de Gudentis dabit Bartholomæum Gæ-*  
*ricium. Regius Selinus, Christ. Thrasylulus, Christianus Aleman-*

E

nus,





*mannus*, unum representabit *Basilius Monnerum*. *Tortus*, qui contra Regem Britanniae scripsit, *Bellarminus* erit: *Harminius de Mosa*, *Hermannus Fabronius*, *Carolus Scribanius*, *Jacobus Keller*. Tantum *Limnæus*. Sic porro *Ambrosius Wolffius* erit *Christophorus Hardefianus*; *Messalinus*, *Salmasius*; *Franciscus Burchardus*, *Andreas Erstenbergius*; *J. Gu. Altherius*, *Janus Gruterus*; *Nicolaus Bellus*, *Michael Caspar Lundorpius*; *Latinus Pacatus*, *Dominicus Baudius*; *Basilius de Varna*, *Andreas Libavius*; *Sibaldus Brandinus*, *Bartholomæus Pitiscus*; *Joachimus Ursinus*, *Christianus Becmann*; *Job. Werner Gebhard*, *Hippolitus à Collibus*; *Tillemannus de Benignis*, *Joh. Goeddeus J.C.*; *Manhorst*, *Caspar Obfopæus*; quibus annotata jungi poterunt *Dietherr. in contin. Besold. pag. 438.* ubi refert, Anno 1670. *Veriburgi* prodiisse *larvam detractam*, h. e. *brevem expositionem nominum*, sub quibus *Scriptores aliquot Pseudonymi*, recentiores imprimis, *latere voluerunt*. Et post *Vincentium Placcium*, *Johannes Deckherr. in Conjectur. de Script. Adestot.*, *Pseudograph. &c.* & *Thomas. de plagio literar. &c.* (VII) *Dotis animi & corporis*. Hæc mutatio ut plurimum ab aliis descendit, qui vel *pristinum nomen planè immutant*, vel *illi novum aliquod agnomen addunt*. Sic qui prius *Tyrtamus*, post à *divino suavissimæ orationis fluxu Theophrastus*: qui prius ab *avo Aristoteles*, postea *Plato*, vel ab *humerorum latitudine*, vel potius à *latissimâ felicissimi ingenii ad dicendum disputandumq; copiâ*, ductâ *mutationis ratione*, nominatus. *Limn. d. l. n. 70.* *Menoch. d. A. J. Q. lib. 2. c. 318. n. 9. 10. 11.* & seq. ubi de *Homero*, *Cicerone* & *Archiâ Poëtâ*. Sic *Vespasianus amor & deliciae generis humani*, *Joachimus*, *Electo Brandenburgicus*, *Nestor Germanicus*, *Fridericus*, *Dux Saxoniae*, *bellicosus*, & *filius ejus Albertus*, *animosus* itemq; *Germania Dextera & Hector*, *Heinricus*, *Pius*, *Fridericus*, *Sapiens*, *Johannes*, *Constans*, *Fridericus*, *Magnanimus* & sic porro fuere agnominati. *Lucius Sicinius Dentatus* ob *ingentem fortitudinem* appellatus *Achilles Romanus*. *Johannes Christophorus Oelhaffius J.Ctus*, *Consiliarius Norimbergensis*, quondam hujus *Academiae Procancellarius*, à quodam *magni nominis viro Inventarium Politicorum Imperialium* fuit dictus. *Dietherr. in addit. ad Besold. Thes. p. 680.* A *dotibus corporis ipsa Familia ENGELSCHALLIORUM* (*absit tamen arrogantia dictis!*) *nomen suum fortita esse videtur*, quorsum spectat *historia*, quæ mihi ex libro quodam *Genealogico*



logico sub hisce formalibus innotuit: Die Engelschalle haben vorhin Falckenauer geheissen / nehmlich es ist einer von Falckenau an eines Fürsten Hoff gewesen / und hat sich etliche Jahr daselbst aufgehalten / bis er wegen seiner treuen Dienste zum Cämmerer ist angenommen worden / bey welchem Ambt er sich eine lange Zeit wohl und ehrlich bey Hoff gehalten; Einsmahls ist ein Gespräch über der Tafel gehalten worden / und hat die Fürstin desselben Orts angefangen: Er sehe wie ein Engel / darauf der Fürst gesaget: Ein Schalck darneben / uff solche Reden / so geschehen / hat man ihn nicht mehr Falckenauer / sondern den Engelschalck genennet / bey welchem Nahmen es auch verblieben. In seiner Kundschaft und Wappenbrieff hat man genauere Nachricht gehabt / dasselbe ist alles durch Feuersbrunst zu Olßniß mitverbrennet worden &c. Huc facit Paul. Fürstens Wap-penbuch / ubi p. 2. fol. 61. & insignia & familiam inter Nobiles Bavaricos relata videbis. Sed enimverò quæ multas hæcenus hæc in re pressere fata, ea etiam in nostrâ experti sumus familiâ, dum plurimi à genere illo nobiliori descivère.

XV. Consideratâ hæcenus *Formâ licite* mutationis, nunc ad *prohibitâ* *περνοποιήσις* formam accessum facimus, quæ toties contingit, quoties quis sciens prudensq; atq; ita dolosè in alterius fraudem & præjudicium nomen immutat. Hæc enim est *Differentia specifica* inter permissam & prohibitam nominis mutationem. Et prout alias in *Crimine Falsi* inter alia tria potissimùm concurrere debent requisita, Fachin. lib. 1. contr. 94. Mynsing. in §. item Lex. Cornel. Inst. de Public. Judic. Afflict. dec. 21. n. 12. Thoming. cons. 15. n. 17. Ita & in præsentî mutatione nominis, tanquam *specie quâdam falsi*, necesse est, ut quis hoc faciat sciens & dolosè. Dolus enim falsi causa proxima. l. 27. ff. ad L. Cornel. de Fals l. 16. de Test. l. 21. C. eod. Novell. 73. in præfat. & sine eo non committitur l. nec exemplum in verbis: cum non nisi dolo malo falsum committentes crimini subjungentur. 20. C. ad L. Cornel. de Fals c. homines. c. 25. autem c. 22. quest. 2. Menoch. d. l. n. 1. & de præsumt. lib 5. præf. 20. n. 51. Mascard. de Probat. lib. 2. concl. 739. n. 12. Farinac. quest. 150. n. 273. Petr. Gregor. lib. 36. c. 1. n. 6. & c. 5. n. 2. Theodor. in Judic. Crimin. cap 8. aphor. 1. lit. b. Carpz. p. 2. quest. 39. n. 6. Nec tamen sufficit dolus præsumtus, sed verè illum adfuisse probari debet. Carpz. d. l. n. 7. Eckolt ad tit. ff. ad L. Cornel. de Fals. n. 8. In dubio namque error potiùs, quàm dolus in crimine falsi præsumitur. l. 5. C. de his qui sib.





*adscri. in test. l. 6. C. de Dol. Menoch. l. 3. consil. 221. n. 16. Boer. dec. 16. Deinde etiam requiritur, ut id fiat cum immutatione veritatis, atque sic reali assumptione falsi alicujus nominis. Nec enim aliàs falsum statim committitur, si dolus fuerit adhibitus, nisi etiam veritas mutetur & pervertatur. l. 23. ff. ad L. Cornel. de Fals. Novell 73. in pref. Meier. ad J. tit. de Publ. Judic. n. 7. Tandem denique in fraudem & præjudicium tertii. Falsitas enim non nocibilis ex L. Cornel. de Fals. puniendâ non est, eaq; communis Dd. sententia est. Farinac. alleg. loc. n. 291. & 292. ubi multos alios autores allegat, itemque Carpz. d. l. n. 10. Hisce tribus requisitis concurrentibus fraudulenta atque sic prohibita inde enascitur nominis mutatio. doc. l. nostrâ unic. C. de mutat. nom. § l. 13. ff. de L. Cornel. de Fals. Add. Wesenb. in Paratit. ff. eod. n. 8. Bertaz. consil. 408. n. 14. Farinac. d. l. n. 144. Theoder. d. l. n. 13. Carpz. d. l. n. 33. Hotom. consil. 35. n. 7. Menoch. d. l. n. 19. Petr. Gregor. cit. loc. n. 1. Anton. Pichard. ad §. 7. J. de publ. Jud. n. 17. Perez. ad l. nostr. unic. C. de mut. nom. Brunn. ad eand. Ludwell. in Exerc. E. 18. t. 7. b. Limn. l. 1. J. P. c. II. n. 58.*

XVI. Duos autem h. l. constituunt modos, sub quibus ista prohibita mutatio evenire solet. *Primum*, cum quis non dissimulatâ personâ alterius nomen assumit; *Secundum*, cum quis personâ dissimulatâ se alium esse mentitur. Menoch. d. l. n. 19. Carpz. alleg. loc. n. 34. & 35. Anton. Pichard. alleg. loc. Limn. d. l. Eckolt. d. l. n. 5. Quos modos, cum naturam hujus illicitæ mutationis omninò exhaurire videantur, non immeritò hîc meos facio, breviter simul ostensurus, quænam species ad unumquemque illorum sint referendæ. Ad priorem itaque modum, dum scilicet quis non dissimulatâ persona alterius nomen assumit, pertinet, (1) si quis alterius nomen, ipso dissentiente, assumit, cum per id confusio familiarum exoritur. Publicè autem interest, cognoscere nationes, ne claræ & honestæ familiæ pereant & confundantur commixtione & suppositione infectorum, arg. l. 1. §. 13. ff. de Ventr. insp. Vid. Guil. Bened. de Test. in cap. Raynut. verb. de Clera n. 57. & 58. ubi plures hujus prohibitionis reddit rationes, itemque Viv. aec. 324. (2) si quis nomen mutat, ut scelera sua commodiùs & impunè perpetret, vel perpetrata in alios transferat, aut ipse etiam possit aufugere. Id. Guil. Bened. alleg. loc. Salicet. ad leg. nostr. unic. Manz. ad §. 1. J. de Injur. n. 37. In specie autem (3) si quis in celebratione contra-

ctûs



Et si aliud sibi nomen assumit, ne postea contraxisse dicatur, & ex instrumento convento excipere possit, se non esse eum, qui in instrumento dicitur promississe. Perez. *ad l. nostr. unic. n. 1.* Carpz. *d. l. n. 35.* Limn. *alleg. loc. n. 58.* Menoch. *cit. loc. n. 23.* (4) Si mercator ad fraudanda vectigalia, vel ingenere in præjudicium alterius nomen aut signum alterius assumit. Farin. *d. l. n. 142.* Brunn. *ad l. nostr. unic.* & Menoch. *d. l. n. 24. 25.* ubi & de Notario aliud signum sibi assumente agit, cui addi potest Perez. *dict. loc.* quo dicit: *Sic & Tabellio signum semel assumtum & consuetum citra falsi crimen mutare non potest.* (5) Si quis fingit se creditorem falliti mercatoris, cum non sit, in præjudicium aliorum. Bertaz. *consil. 538. n. 1.* Farin. *alleg. loc. n. 98.* Carpz. *d. l.* Theod. *d. l.* (6) Si quis falso diplomate vias comeat, *l. 27. §. 2. ff. ad L. Cornel. de Fals.* ibiq; Gothofr. Petr. Gregor. *d. l. n. 6.* (7) Si quis aliena insignia, privilegia & titulos altioris ordinis sibi adscribit. *d. l. 27. §. 3. ff. d. L. Cornel. de Fals.* Paul. *5. Sentent. 25. §. 11. 12.* Carpz. *d. l. n. 36.* Farinac. *d. l. n. 80.* ubi & insimul de utentibus vestimentis alienis agit. Petr. Gregor. *d. l. n. 6.* Theoder. *alleg. loc. n. 5.* Loquor verò hinc de fraudulentâ & ad æmulationem alterius factâ assumptione Insignium. Aliàs enim quemadmodum nomina citra fraudem cuilibet licet assumere ad beneplacitum, Ita etiam eodem cum temperamento, cuilibet liberum erit, sibi fingere insignia. Vid. Limn. *7. P. lib. 6. c. 6. n. 42. & seq.* Inprimis autem Plebejis haud erit permittendum, ut nobilia sibi assumant insignia, galeam perforatam coronatamve, nisi per longam temporis possessionem assensu Principis confirmata sint & præscripta. *Id. n. 43.* Vultej. *consil. 17. n. 49. Vol. 3.* (8) Si quis falsum genus vel parentes falsos fingit, quo quid alienum intercipiat possideatvè. Paul. *d. l. §. 10.* ibidemque Cujac. Gothofr. *ad l. 13. ff. ad L. Cornel. de Fals. lit. S.* Tulden. *ad l. unic. C. de mut. nom.* (9) Si quis se pro Nobili aut Doctore gerit, cum non sit, *arg. l. 27. §. f. ff. ad L. Cornel. de Fals.* Farin. *adduct. loc. n. 87.* Carpz. *d. l. n. 36.* Perez. *d. l.* Brunn. *d. l. n. 2.* Menoch. *cit. loc. n. 21.* Mynsing. *de prob. c. 5. n. 4.* Theoder. *in Jud. Crim. d. l. n. 6.* Id quod tamen eatenus procedere statuunt Dd. quatenus quis actum aliquem facit Nobili aut Doctore convenientem, perq; illum alios fallit. Secus si verbo tantum se Doctorem jactat; Tunc enim nullo subsequuto effectu, mendacium quidem committere atque sic aliam extraordinariam poenam mereri, non verò teneri falsi poenâ, censent.





uti annotavit Alexand. in addit. ad Bartol. in l. eos. §. qui se pro milite. ff. ad L. Cornel. de fals. Menoch. d. l. n. 22. Carpz. d. l. n. 37. Farinac. alleg. loc. n. 87. 88. Theoder. d. l. n. 6. Schüz. in compend. Lauterb. ad tit. de Fals. p. 701. (10) Si quis se fingit Comitem Palatinum, creat Notarios & legitimat spurios, cum non fit Comes Palatinus. Farinac. d. l. n. 84. aut si quis Nobilem ex insigni ac præclarâ familiâ se se natum profitetur & ab aliis vel hujus vel alterius familiæ Nobilibus eo nomine pecuniam, vel aliud quicquam emendicat aliove modo eosdem fallit, lucro & commodo suo aliorumq; damno. Carpz. alleg. loc. n. 38. (11) Qui se pro Studiofo, cum non sit, gerit, quod ex matriculæ inspectione probari posse, vult Br. in l. 1. C. de rebus cred. Dec. consil. 457. Paris. 4. consil. 159. in fin. Theoder. d. l. n. 7. (12) Qui se Notarium esse affirmat, cum non sit creatus, Mars. sing. 35. Unde ab ejusmodi Notario instrumentum confectum non valet. Br. in l. 6. §. 1. n. 7. ad L. Jul. Repet. ne quidem ad pias causas Bl. in l. 15. §. 3. de Test. milit. quia privilegium testantis vel heredis vel legatarii non tollit delictum scribentis. Mars. sing. 569. n. 4. Interdum tamen sustinetur ejusmodi Instrumentum, de quo Theoder. d. l. n. 8. (13) Si quis se Clericum esse dicit, qui tamen non est. Menoch. d. l. n. 21. Farinac. d. l. n. 85. ibidemq; allegati Autores. (14) Qui se Nuntium alicujus Regis vel Domini facit, cum non sit, Farinac. cit. loc. n. 83. (15) Qui se pro Prætoze aut alio magistratu, usurpatis illicitis insignibus, gerit, cum tamen privatus homo sit. Petr. Greg. d. l. n. 6. (16) Si quis militiam confingit in alterius terrorem vel necem, l. 27. §. 2. ff. ad L. Cornel. de Fals. Paul. l. 5. Sent. tit. 25. §. 11. Gothofr. ad l. 13. ff. ad L. Cornel. de Fals. lit. S. Petr. Gregor. d. l. Farinac. d. l. n. 82. (17) Qui facit se Procuratorem, cum non sit. l. 14. ff. de condict. caus. dat. caus non sec. l. 19. C. de furt. Farinac. d. l. n. 89. Theoder. alleg. loc. n. 11. E contra nomine proprio si quis intentaverit judicium & post litis contestationem mutaverit & egerit procuratorio, non est licita ista mutatio, quare reus est absolvendus & actor condemnandus in expensas. Bald. consil. 125. Vol. IV. (18) Quando minor, animo decipiendi alterum, se majorem profitetur, prout à Scabinatu Lips. responsum fuit Judici & Scabinis in Waltersdorff: Da H. R. sich wissentlich und vorseklicher Weise andere Leuthe zu betriegen vor mündig ausgegeben/ so möchte er deswegen umb 1. neu Schock in Straffe genommen werden. Carpz. sep.



*sep. alleg. loc. n. 42.* (19) Denique hinc etiam aliquo modo locum habet & illud, si Capitanei seu milites stipendiarii salarium & stipendium pro pluribus equis & militibus, quam habent, recipiunt. Albert. *in rubr. ff. ad L. Cornel. de fals. n. 10.* Farinac. *d. l. n. 95.* Capitain, so blinde Nahmen in ihren Seckel verrechnen/ sollen vierfache Restitution thun. Holländisch Kriegs-Recht/ art. 70. cui addi possunt Königlich Schwedisch Kriegs-Recht/ art. 91. 92. seq. Churfürstl. Sächsisches R. R. art. 17.

XVII. Pervenimus jam ad alterum prohibitæ mutationis modum, nimirum si quis personam dissimulat & se alium esse mentitur, id quod ob maximam similitudinem inter duos aliquando repertam non semel usu venisse comperimus. Sic in lege antiquâ notum est exemplum Jacobi, qui patri falsò respondit, se esse ejus filium Esau. *Gen. c. 27. relatum in c. queritur. §. 1. c. 12. quest. 2. §. in c. ult. c. 22. quest. 2.* Alia ejusmodi exempla suppeditat Valerius Maximus *l. 9. cap. 15.* ubi ostendit, plures extitisse, qui per mendacium se in alienas familias inseruerunt. Quale illud est, quod Cæsari Augusto evenit, cujus filium se esse quis assererat, tanta erat ejus oris similitudo. Repertus est etiam, prout idem autor Valerius Max. loquitur, qui se diceret *Q. Sertorii filium; quem ut agnosceret uxor ejus, nullâ vi compelli potuit.* Et Trebellius Calca ob formæ similitudinem se asseveranter Clodium tulit, & parum abfuit, quin Centumvirali judicio heres ei non existeret. Et Cornelio Syllâ Dictatore existente repertus est, qui in domum Cn. Asinii Dionis irrupit, filiumq; ejus patriis Penatibus expulit, vociferando, non illum, sed se Dione esse procreatum. Eodem Præside Reipublicæ, sunt itidem verba Valerii, in consimili mendacîo muliebris temeritas Mediolani repressa est, quæ se pro Rubria quadam perinde, ac falsò credita esset incendio periisse; nihil se pertinentibus bonis inseruit. It. barbarum quendam, ob eximiam similitudinem, quâ Ariarathen, Cappadociæ Regem, referebat, regnum penè affectasse, scribit idem Autor Valerius Max. *d. l.* Refert etiam Plin. *lib. 7. Natur. histor. c. 12.* & Solinus Polyhistor. *c. 4.* Artemonem tantâ formæ similitudine fuisse cum Antiocho, Syriæ Rege, ut Laodicæ conjux Regia, necato jam Antiocho, mimum per eum commendationis regniq; successionis peregerit. Testatum quoque reliquit Paulus Æmil. *l. 2. de gest. Franc.* nec non Lips. *in monit. Polit.* extitisse, qui se Baldinum Cæsarem esse prædicaret, quem tamen in prælio contra Bulgarios



garos constanti famâ cæsum esse perhibebant, eò, quod gravitatem ore, quàm maximè fieri potest, præ se ferebat, venerationem sui captans, majestatemq; concilians, quò factum, ut Flandriæ Nobiles hominem Comitem Augustumq; salutantes, jura ab eo peterent, quod ille ad majestatis suæ fidem faciebat, nomina commemorans, nobilitatemq; ac egregia facinora majorum natu stemmataq; familiarum, à quo quisque esset progenitus. Convictus tamen à Ludovico M. Franciæ Rege, ex mandato Johannæ, id temporis Balduini filia, laqueo strangulatus fuit, non tamen sine plebejulæ rumoribus, quæ patrem ab improbâ filiâ in ligno suspensum tunc & diu postea differebat. Vid. Forst. *in not. Politic. ad Tac.* Sic & Arnaldus quidam Tillius Martinum Guerram ita formâ & facie repræsentavit, ut & ipsius Martini uxorem affinesq; falleret, qui detectâ fraude & dolo, luit pœnas emeritas: sicuti latum est solenne Arrestum Tolosæ, quod deinde Corasius suis illustravit commentariis. Vid. Menoch. *d. l. n. 32.* Thuan. *l. 26. Histor. p. 525.* & Autor *der Monatlichen Unterredung einiger guten Freunde / de An. 1692. Mens. Jul.* Notissima etiam historia est, quæ de Annâ Clevenfi, Henrici VIII. Angliæ Regis, desertâ conjuge, refertur; Scilicet extitisse quandam mulierem, quæ post mortem ipsius A. 1559. se illam Reginam, ac quasi adhuc in vivis esset, falsò fingeret, donec tandem fraude manifestatâ perpetuò fuit incarcerata. Conf. id. Autor *der Monatlichen Unterredungen / de An. 1689. Mens. Dec.* & quid. *in append. p. 1269.* Item An. 1608. Bartholomæus Lancecius Senensis, falsissimus & scelestissimus homo, in civitate Parisiorum apud Regem & alios Primates, *Burghesiorum* cognomen & insignia usurpavit, simulatevè se filium *Pauli Quinti* asseruit, & sub eo prætextu plures à diversis pecuniarum notabiles quantitates extorsit, donec tandem re compertâ carceratus & in dictâ civitate postea suspensus fuit, cum prius ante fores Illustrissimi & Reverendissimi Domini Nuntii Apostolici, cum accensâ candelâ in manibus retentâ, se falsum dixisse & mentitum fuisse, publicè & coram omni populo fassus esset, ac deinceps flammis consummati cadaveris cineres in amnem projecti fuerunt. Farinac. *d. quest. 150. n. 86.* Sic suo tempore fuisse quendam in Moscoviâ, qui pro Magno Moscoviæ Duce *Demetrio* se falsò jactitaverit, Meteran. *histor. belg. lib. 25.* refert, & insequentibus annis Wittebergæ & aliis locis non sine vitæ dispendio aliquis *Baro generosus* audiri voluit. sec. Theoder. *in*



der. in *Jud. Crim. d. l. n. 6.* Id quod & meo tempore Lipsiæ aliquando contigisse memini. Plura exempla etiam habemus in *Jove Plautino, Don Sebastiano, Rege Portugallie.* Limn. lib. 1. J. P. c. 11. n. 59. inprimis verò Author Belgicus Theatri Tragici, *van het Treur-Tonneel der Derlucktigen Mannen onser Eeuwe*, in vita ipsius, qui lectorem sine suspenso judicio dimittet, quod & facit Author Gallicus in *Tractat. sub Tit. Dom Sebastian Roy de Portugal, dans la 3me partie à la page. 235.* Conf. Petr. Greg. *d. l. n. 1.* Carpz. *d. l. n. 34.* Menoch. *d. l. n. 30. 31.* Anton. Pichard. *ad §. 7. J. de publ. Jud. n. 17.* Joseph. lib. 7. *antiq. Jud. cap. 14.* tandemq; novissimè Joan Baptista de Recoles, qui An. 1683. Amstelodami integrum edidit tractatum de ejusmodi nebulonibus, qui Imperatorum, Regum, Principum aliorumq; personas falsò professi sunt.

XVIII. Explicatâ huc usque Forma tum licitæ tum prohibitæ mutationis, restat, ut *Effectum* & *Contraria* laconicè adhuc consideremus. *Effectus* igitur *permissæ mutationis*, est, quod illa ipsa sit extra pœnam, arg. *l. nostr. unic.* imò quandoque præcepta, necessaria & utilis, id quod ex hæctenus allegatis exemplis patescit, inprimis autem ex eo, quod libertus manumittentis, & arrogatus arrogantis, itemque institutus sub eâ conditione instituentis nomen debeat assumere. &c. Perez. *ad l. alleg. unic.* *Effectus* verò *prohibitæ mutationis* incidit in *Crimen Falsi*, cujus pœnas varias videmus esse constitutas. Communiter quidem tradunt Dd., quod pœna falsi in homine nobili sit *deportatio cum publicatione bonorum*; in personâ vili *damnatio in metallum*; in servo *ultimum supplicium*, textus est in *l. 1. §. fin.* & ibi etiam Alber. *n. 1.* itemq; Marsil. *in rubr. ff. ad L. Corn. de Fals. n. 4. junct. l. si quis. 38. §. qui vivi testamentum. ff. de pœn. l. ubi falsi. 22. in fin. C. ad L. Cornel. de Fals. §. item Lex. Cornel. de Fals. 7. Inst. de Publ. Judic. ubi Glossa in figuratione casus, in verbo: ultimum supplicium & in verbo: deportatio. Farinac. d. quest. 150. n. 19. Carpz. d. quest. 93. n. 16. Theodor. d. l. n. 19. Petr. Gregor. Syntag. Jur. l. 36. c. 3. n. 4. § cap. 5. n. 2. in verbis: hujusq; pœna &c. Menoch. de A. J. Q. libr. 2. cas. 306. n. 1. 2. § 3.*

Verum postquam pœna publicationis bonorum ob crimen falsi, perinde ac alia, certo modo remissa fuit in *auth. Bon. damnat. C. de bon. proscript. Novell. 134. cap. ult.* ac deportationis pœna hodiè amplius in usu non est, sed in ejus locum successit *Relegatio*, vel quandoque *fustigatio*, Carpz. *d. l. n. 17. 18. ibiq; Aut. alleg.* imò de Jure quoque Civili pœna falsi, pro qualitate admitti, ad *manus amputatio-*





*nem, & quandoque ad extremum supplicium, extendi potest. Novell. 17. c. 8. in pr. Novell. 134. c. 13. l. 22. C. ad L. Cornel. de Fals. l. 1. 2. C. de fals. monet. Ideò non malè quis dixerit, poenam falsi hodiè esse arbitrariam, ita, ut pro mensurâ delicti, urgentibus circumstantiis usque ad ultimum supplicium vel aliam corporis poenam inflictivam extendi possit. Carpz. d. l. n. 20. Schulz. Synops. Inst. de Publ. Jud. lit. u. Farinac. d. l. n. 21. Perez. ad l. nostr. unic. n. 18. Zoef. ad L. Cornel. de Fals. n. 2. Cum quo etiam convenit Nemesis Carolina, art. 112. in verbis: Nachdem die Fälschung viel oder wenig/ böshafftig und schädlich geschicht ic. peinlich gestrafft werden. § art. 113. verb. der soll zu peinlicher Straff angenommen ic. § art. 115. verb. und darzu an den Pranger / oder Hals-Eisen gestellet / mit Ruthen ausgehauen / des Landes verboten / oder sonst nach Gelegenheit der Mißhandlung in andere Wege gestraffet werden. Neque huic dispositioni contrariatur constitutio Jur. Saxon. Siquidem in art. 13. Land-Recht / l. 2. expressè dicitur in verbis: Dasselbe Gerichte gehet auch über unrecht Maß / über falsch Gewicht und über falschen Speises Rauff / ob man es überwunden wird ic. Atque hinc in Foro Saxonico falsarii poenâ coercentur arbitrariâ, ut plurimum tamen relegatione aut fustigatione pro ratione commissi delicti. Carpz. d. l. n. 24. ibiq; Dd. alleg.*

XIX. His præmissis suâ sponte jam sequitur, poenam prohibita nominum mutationis esse quoq; arbitrariam, ita, ut pro ratione doli & circumstantiarum, in primis autem damni exinde enati, poena carceris, relegationis, fustigationis, imò ultimi quandoque supplicii possit habere locum. Menoch. d. l. n. 20. Farinac. d. l. n. 139. Brunn. ad l. un. C. de mut. nom. n. 2. § 3. Hinc foeminæ cuidam plebejæ, quæ ex nobili familiâ senatam jactans, & bonis suis spoliata dissimulans, à nobilibus pecuniam emendicaverat, poenam temporalis relegationis dictavêre Scabini Lipsiens. ad consultationem Quæstoris Dresdens. An. 1629. Mens. Octobr. Nec non An. 1587. Mens. Januar. in casu haud multum absimili ab eod. Scabinatu pronunciatum fuit: Hat bemeldter Velo sich vor einem Pommerischen Edelmann / des Geschlechts der Veloen und vor des Hauptmanns zu Stolpen Bruders Sohn fälschlich ausgegeben / und sich ferner gerühmet / daß er Landes Fendrich gewesen were / und dessen dreyerley falsche Paß-Brieffe bey sich gehabt / und andern versetset und verpfändet / auch im Wirthshaus allerley Muthwillen mit Hauen und Stechen geübet ic. So wird



wird er von wegen solches Falsches und geübten Verbrechen billich zur Staupen geschlagen / und des Churfürsten zu Sachsen 2c. unfers gnädigsten Herrn Landes ewig verwiesen / *B. R. W.* Vid. *Carpz. d. l. n. 39. § 40. Pari modo & Scabini Jenenses An. 1623. Mens. Decembr. pronunciarunt: Hat Johann Benicke in der Güte bekandt / daß Ihm nicht allein vor 28. Jahren/wegen verfertigten falschen Brandbrieffes / auf eingehohlete Marpurgische Rechts Belehrung / die Rechte Faust abgeschlagen worden / sondern auch hierauf mit Betteln fortgefahren / und anfangs sich vor einen Schuldiener / hernacher aber vor einem Pfarrer fälschlich ausgegeben / da er doch niemals dergleichen Aemter bedienet / zu dessen Behuf er ihm vorangezogene Kundtschafften zu Erfurth machen lassen / alles nach fernern Inhalt seiner gütlichen Aussage / Als wird er um seiner Mißhandlung willen / andern zum Abscheu / mit Ruthen öffentlich / jedoch in Ansehung seines Alters / gelinder massen ausgestrichen / und folgendes des Landes ewig verwiesen. *B. R. W.* Aliud Exemplum memorabile adducit *Faber in Codice suo lib. 9. tit. 16. de mut. Nom. Def. 1. his verbis: Cum Carnifex quidam honesti viri & advocati nomen sibi arrogasset, seq. pro agnato publicè jactitaret, falsò tamen & dolo malo, ut probi & nobilis viri existimationem lederet, aut ab eo pecuniam, ne id faceret, extorqueret, putavit Senatus (sacer Sabaudia) cædendum virgis, & exilio multandum esse. Pœnam verò, ut vocant, honorariam, cui locus esse videbatur, consultò prætermisit, quòd ejus conditionis homo jam infamis neq. honoris jacturam facere ullam posset, neq. honorem, quem nullum haberet, alteri dare vel reddere. Subjungens illud Bartoli: Mal da chi non ha, dice la Campana di San Pietro.**

*XX.* Cæterum quod aliquando & pœna capitalis hoc delictum subsequatur, non tantum docent exempla allegati Pseudo-Martini Galli, & Bartholomæi Lancefci Senensis aliorumq; plurium; Verùm etiam optimè hanc rem illustrat sequens casus, qui accidit *An. 1613. Mens. Octobr. & Nov.* quiq; à Serenissimâ Viduâ Serenissimi Electoris Saxoniz, Christiani II. pientissimæ recordationis, ad Scabinatum Jenensem fuit delatus, de falsario quodam, qui ex Generosissima Rantzoviorum familiâ oriundum falsò se jactaverat, & sub hoc prætextu à Serenissimâ Reginâ Angliæ, & aliis Principibus personis ingentem pecuniæ summam, & ultra 24. mille trecentos & duodecim florenos extorferat; subq; hoc fuco, quasi à Diabolo obsesus esset, multos fefellerat: præterea in torturâ, quam Scabini Li-



pienses ei dictaverant, confessus fuit aliquot latrocinia, it. quod veneno, Mercurii nomen fortiente, non solum Serenissimæ Electorali Viduæ, sed etiam illius Serenitatis victualibus Præfecto proditoria machinatione fata & mortem accelerare sibi proposuerit. Responsum ipsum sequentibus constat verbis: Auf überschickte peinliche und gültliche Aussage des gefangenen Claus Hörnen / so ihr uns / sambt vorigen Acten und Inquisition. Sachen zg. u. wie derselbe zu straffen / oder was sonst wider Ihn vorzunehmen sey / da er auch wiederum revocirte / wessen man sich denn also zu verhalten habe / euch zu erkennen zu geben / gebeten / demnach S. W. V. N. hat gemeldter Claus Hörn bekandt / daß er zu dem Ende sich vor einem von Nankoven ausgeben / damit er unter diesem Namen ihm ein groß Ansehen machen / auch vor einen reichen vom Adel gehalten und desto weniger Betrug gegen ihn vermuthet werden möchte / Er habe das Nankovische Wappen in Verschafft geführet / dadurch Königliche / Chur- und Fürstliche Personen / auch andere ehrliche Leuthe zu betriegen / daß er bey der Königin in Engeland fälschlich vorgegeben / als wenn sein Freund zu Paris Schulden halber gefangen säße / und unter solchem Schein von Ihr Königl. Majestät 10000. Rthlr. entlehnet bekommen / weil er sonderlich sich gestellet / als wolte er Ihrer Majestät Cammer Magd ehlichen / welche er gleichfals mit 1150. Rthlr. aufgesetzt / Ferner daß er gegen der Churfl. Sächs. Wittiben / Unserer gnädigsten Churfürstin und Frauen / Cammer-Frauen gedacht und begehret / bey Ihrer Churfl. Gnaden allein zu seyn / auch deswegen dem Silber-Diener eine silberne Kanne zugesaget / wann Er Ihm solches bey der Cammer-Frauen ausrichten / und zu wegen bringen würde / Desgleichen daß er bey ißtermelter Cammer-Frauen nach Ihrer Churfl. Gnaden Schatz und Geld gefragt / und derselben Schatz wegzubringen vorhabens / oder doch zum wenigsten Ihr. Churfl. Gnaden auf etliche 1000. fl. zu betrügen / nachmals aber sich heimlicher Weise davon zu machen willens gewesen / Weiters daß er an dem Futter-Marschalck heimlicher heimlicher Weise Gewalt zu üben / mit denselben bey sich habenden Messern umbzubringen / hernach seine Kleinodien / Contrafait / Baarschafft / und anders / zu sich nehmen / und davon zu lauffen ihm vorgenommen / It. daß der Junge N. eine falsche Vorschrift von Gerhard von Nankoven an Herrn Hoffmeister N. gebracht / welche mit seinem guten Wissen gestellt / und er der Hörn hätte daselbe selbst besiegelt / verhoffend an den Churfürstl. Sächs.



Sächs. Widdums-Hoff zu kommen/ und weren derselben Gesellen 5. die mit Ihm in ein Horn geblasen/ daß er auch die Churfürstl. Sächs. Wittbe mit dem Mercurio hinrichten/ und den Gift entweder in Speise oder Franck bringen. It. daß er 4. Mordthaten auf der Lüneburgischen Heide/ jedoch ohne Hand-Anlegung/ helfen begehen/ und habe er zur Ausbeute bekommen von dem erstberaubten 3000. Thaler/ der ander hat bey sich gehabt ungefahr in die 2000. Thaler/ der dritte bey 4000. davon Horn sein Antheil empfangen/ den 4. Entleibten hette er und seine Gesellschaft nichts nehmen können/ dann Sie die Flucht nehmen müssen/ Leßlich daß er in Hollstein/ in Engeland/ in Dennemarck und Teutschland viel Leuthe aufgesetzt/ und dieselbe über die 14000. Gulden schändlich betrogen/ Da nun in gehaltenener Nachfrage sich befindet/ daß die 4. um ihr Leben gebracht/ und mehr besagter Claus Horn würde/ auffer dem Gezeugnus des Orts/ da er peinlich angegriffen/ vor Richter und Schöppen und einen Notario ungebunden und ungedrohet/ auf anderweit vorgehendes Befragen auf seiner gethanen Uhrsicht verharren/ So ist er/ wegen solches seines begangenen vielfältigen Falsches/ grosse Auffsehung und Betrug/ Mordthat und Rauberey/ und andern hochstrafflichen Verbrechenen/ ohngeacht derselbe folgendes wiederumb vor öffentlichen peinlichen Gerichte es widerruffe/ zur Richtstatt zu schleiffen/ sein Leib viermal mit glüenden Zangen zu reissen/ und nachmals mit dem Rade vom Leben zum Tode zu richten/ und alsdenn darauf zu legen.  
**V. N. B.**

XXI. Tandem denique deducimur ad *Contraria*. Quoniam autem hæc ipsa ex antecedentibus facile apparent; idcirco non opus erit, illorum explanationi diutius hærare. Breviter sunt illa, quæ vel ipsi mutationi contrariantur, quod fit, dum quis idem nomen retinet, vel ejusdem pœnæ. Atque ad hæc contraria pertinent omnes illi casus, in quibus mutatio nominis licita, ac consequenter pro impunitâ habetur.

Sic, concessis à DEO clementer viribus, Dissertationis nostræ materiam non quidem eâ, quâ debuimus, ingenii dexteritate & præstantiâ, sed, quâ potuimus, humanâ imbecillitate ad




finem perducimus, lubens meritoq; illius solidio-  
rem pertractationem *limatioribus* judiciis relin-  
quentes. Tu autem, *Lector Benevole*, magis  
voluntatem in rebus altioribus aliquid peragen-  
di, quàm ipsum laborem, ut æstimes, est, quod  
obnixè rogitamus. Novissimè

*Si qua meis fuerint, ut erunt, vitiosa libellis,  
Excusata suo tempore, Lector, habe.*


DEO immortali sit

*LAUS, HONOR ET GLORIA  
SEMPITERNA.*



I. Qui





☉ I. ☉

**Q**VI DOCTORANDI titulô in-  
signiris, Amice,  
*Mutabis nomen diminuesq; tuum.*  
*Diminues nomen, sed conduplicabis ho-*  
*norem;*

*Et sic mutatô nomine Doct̃or eris.*

Id quod boni ominis ergo  
*Nobilissimo DN. DOCTORANDO*  
gratulabundus impertiebatur

**CHRISTOPHORVS Sonntag**  
SS. Theol. D. & Profefs. Publ. Primar.  
h. t. Univ. RECTOR.

☉ II. ☉

**A**ngelus ut nomen, sic dat Tibi, CANDIDE,  
mores,

Nomen enim sine re nil nisi nomen erit.  
Hinc Patriæ quondam, Patriq; Tuisq;, quod opto,  
Angelus & senii dulce levamen eris.  
Unicum adhuc superest, à Te quod postulo,  
nostram

Saxoniam postquam veneris atq; domum,  
Nomine quælo meo veteres reverenter Amicos,  
Quos nunc Patronos osculor atq; colo,  
Et salvere jube, & multum longeq; valere,  
Atq; agere ex votis cuncta gerenda suis.

Vivat





Vivat, quem quondam mihi conciliavit Amicum  
 Altdorfina, meæ Præsidium Patriæ, (Heros,  
 KNOCHIVS excellens! Vivat POELNIZIVS  
 Quem Lauterbachi junxit amica Schola!  
 Vivat uterq; diu felix, faustusq;, beatus,  
 Saxonici nostri lumina magna poli!

*Amicissimi olim sui in Celeberrima Salana Commi-  
 litis & Conuictoris Filio, Amico itidem suo,  
 de felicissima studiorum Academicorum Cata-  
 strophe ex animo gratulaturus deprop.*

GEORGIUS REICHARDUS Hammer/ D.

III.

**T**erra Variscorum genuit TE, Porta pro-  
 bavit,

Lipsia reclusit Jura sacrata TIBI.

Altdorffina Themis decorat tua tempora, Mater  
 Dresda benigna diu sit, maneatq;, precor.

*Hisce Affini suo Optimo, atq; hætenus Auditori,  
 nunc Fautori, de promeritis Brabeis Aca-  
 demicis gratulatur, utq; condigni in foro  
 sequantur Honores, ex animo vovet*

HENRICUS Lindt/ D.

IV.

**C**ur mutas Nomen, cum vix præstantius ullum  
 TUO sit, erudite Themidis Assecla:

Nempe quod amborum sit Conspiratio sancta.

Nam quidquid Angeli sonant, Justitia cluet.

Ecce, recens Doctor posthac in Jure vocaris,

Ut nil, nisi quod æquum piumq; audit, sones.

Boni Ominis ergo ita gratulabundus alludit

FELIX Spitz/ D.

V. JOH.



JOH. GOTFRIEDO ENGEL-  
SCHALLIO

Nobilissimo Clarissimoq; Viro

JOH. CHRISTOPHORVS WAGENSELIIVS

S. P. D.

**S**ignificasti mihi, ENGELSCHALLI NOBILISSIME, Inaugurali, quam vocant, Disputationi, ad rite summos in utroq; Jure honores capeffendos, viam munituræ, selegisse te argumentum de *Nominum Immutatio- ne*. Est illud tam lautum lepidumq; ut nihil supra, nec poteras facile in ullo alio, eruditionis tuæ lectionisq; copiam magis omnium oculis exponere. Non dissimulo, sæpe me quoq; Nominum Propriorum consideratio, sive torfit, sive rapuit in admirationem; & jure quidem bono, nam hanc curam ne quidem Supremum Numen, Optimus Maximus- que DEVS, a se voluit esse alienam. Mox enim cum primum hominem Adamum creasset, stitit illi feras, pecudes, volucresq; omnium generum, ut, quia,

*Principis est virtus maxima nosse suos,*

ipse, istorum omnium dominus futurus, singularum natu- ram perspiceret exploraretq; & suum cuiq; nomen, pro di- versa indolis habitudine inderet. Agnoscimus vel hinc, quanta sapientia Adamum præditum fuisse necesse sit: quip- pe, intima perspicere animantium, quorum nos pelles, cor- nua, ungulas, villos tantum intuemur, aptumq; quod pro- prietatibus eorundem respondeat, nomen accommodare,

G

meri-



merito divinæ sapientiæ affine visum est Platoni in Cratylo. Simul ista, quod obiter addendum, ad internecionem delent, male conciliatos homullos, Adamo antiquiores, quos multum familiaris quondam mihi *Isaacus Peyrerius*, Doctus cætera Vir, & Incluti Herois, Serenissimi Ludovici Condæi Principis Bibliothecarius, non ex luto, sed cerebro suo eruderavit, novus Prometheus. Quod si enim seculis innumerabilibus ante Adamum, jam in orbe extabant homines ratione & sermone utentes, profecto non carebant animantia suis nominibus, nec opus erat ut Adamus nova excogitaret. Isti enim sine dubio, communem cum Præadamitis loquelam tribuere debet, qui hos admittit, quoniam sic ipsomet DEO Gen. XI. i. testimonium perhibente, ante universi hujus cataclysmum, *erat terra labii unius, & sermonum eorundem*. Amplius, patescit hinc Sacrosanctæ Hebraicæ Linguæ majestas & primæva antiquitas: nec enim alia, quam hac ipsa, Deus Adamo, de Animantibus propriis nominibus designandis mandatum impertivit, nec ipse alio idiomate effectum dedit, quod erat imperatum. Scio perbene aliud visum fuisse, ut ignobiliores taceam, *Scaligero, Grotio, & Vossio Patri*, magnis Nominibus; qui sibi persuasere, catholicam ante diluvium linguam, in linguarum confusione penitus intercidisse, neque superare hodie, nisi quasdam ejus in cæteris linguis dispersas reliquias. Enim vero, extra controversiæ periculum positum est, de rebus priscis, magis antiquis, quam Recentiorum testationibus fidem esse adhibendam. Jam autem, quod Hieronymus ep. 144. edixit, *Ebræam linguam, qua Vetus Testamentum scriptum est, esse initium oris & communis eloquii, universa credidit antiquitas*. Quin & favet huic opinioni ratio, eum ex sola Hebræa lingua, etymologiæ omnium nominum, quæ personis & locis, inde a mundi exordio, ad dispersionem usque gentium, fuere indita, possint arcessi, & explicari. Tum vero servant universæ, quibus homines collo-

quun-



quuntur linguæ, Hebræi idiomatis luculenta vestigia, referuntq; matricem suam linguam manifestis indiciis. Equidem, qui Hebræam linguam primigeniam negant, illud quod de originatione Nominum Propriorum, quibus personæ & loca ante linguarum confusionem insigniebantur, attuli validissimum argumentum, sic labefactare conantur, ut dicant, Nomina ista a Scriptoribus Sacris, in usum Hebrææ gentis, a naturali & genuino sono mutata esse, ut Latine *Sylvam Ducis, Herbipolim, Regiomontum*, pro vernaculis *Herbogensbusch/ Würzburg/ Königsberg* dicimus. At, elumbis est hæc exceptio, quippe, si hoc erat Scriptorum Sacrorum, quod istis visum est, institutum, cui bono retinuerunt in suis libris, alia Propria Nomina, liquido Persicæ, Samaritanæ, Arabicæ & Ægyptiacæ originis? Nec magis Maronitæ, quos inter *Georgius Michaël Amira Edeniensis e Libano*, in præludiis Grammaticæ Syriacæ eminet, audiendi sunt, qui Syram, sive, quæ eadem est, Chaldaicam linguam, omnium primam faciunt, ipsa illa de Nominibus Propriis præscorum mortalium ratione usi, cum & eorundem significationes ad istam linguam quadrent. Quod, etsi in cæteris aliquatenus succedit, tamen cum ventum est ad Adami verba Gen. II. 23. *Vocabitur (sit venia verbo, quod necessitas exigit) vir, quia ex viro sumta est*, tum aqua eis hæret. Hebraice, ut *ישׁא Isch* pro viro, sic *אישׁא Ischa* pro scæmina aut muliere, vox usitatissima est, cujus etymologiam ipse Protoplastus aperit, cum mulierem ideo dicit *אישׁא Ischa* vocari, quia *ישׁא* ex *Isch* hoc est viro, sumta est. Id Chaldæi cum suo idiomate conciliare non possunt, quia ad virum & scæminam significandos, destituuntur conjugatis vocibus: peritq; gratia allusionis apud illorum Paraphrastas, nam pro *Muliere* designanda, Onkelos *אשה Iteta*, Jonathan *אשה Itta* expressere, pro *Viro* vero inveniundo, ille *בעל Baal*, hic *גבר Gevar* adhibuit, hoc est, plane dissonas Viri & Mulieris appellationes, & nihil quicquam





affinitatis mutuo habentes. Imo, nonne hoc monstri simile est, nec reperiri, quantum mihi constat, & appello Hieronymi Megiferi Thesaurum Polyglottum, qui ex 400. tam Veteris quam Novi Orbis Nationum Linguis collectus est; nec reperiri, inquam, in Orbe universo Linguam aliam, in qua illa, quam Adamus inculcavit, Viri & Foeminae appellationum analogia, quod tamen crebro fieri debuisse quis opinetur, obtineat: Lutheri enim *Männin* / & Symmachi *ἀνδρῶν* factitia sunt, *Virago* vero, qua voce Vulgatus Interpres, eam cum verbo *Vir* componendo, emphasin Hebraeam utcunq; reddere studuit, non *mulierem simpliciter*, quæ tamen significatio unice est hujus loci, sed *mulierem fortem, animo & virtute virili præstantem*, notat, unde *Diva virago Diana*, apud Senecam in Hippolyto, & *bello, metuenda virago Pallas*, apud Ovidium 2. Metam. Recte igitur Lyranus: *Virago, non signat mulierem de viro sumtam vel derivatam, sed viriliter agentem.*

Rursus autem ad DEVM redeo, cui non tantum curæ cordiq; fuit, ut rebus vera Nomina imponerentur, verum idem etiam aliqua, quæ non satis ominata visa sunt, immutavit. Hoc imprimis circa *Abrami & Sarai* nomina factum esse verisimile evadit, si verum fuerit quod Cabbalistæ tradunt, Abramum nullam prolem gignere, nullam Sarai parere potuisse, nisi pro antiquis appellationibus, *Abraham & Sara* voces, divinitus substituerentur. Quod, ipforum effectum, tanquam indubiæ veritatis, famosis suis nongentis Conclusionibus etiam inseruit, Seculi sui Phoenix, *Johannes Picus Comes Mirandulanus*. Nec fuit alienus ab hoc mutandi Nomina cœpto SERVATOR noster, atque, quod S. Justinus Martyr in Dialogo cum Tryphone observat, sicut a DEO in Veteri Testamento nomina sunt immutata Abrahamo & Saræ, & novum cognomen datum Jacobo; ita quoq; in Novo, Servator, nonnullis Discipulorum suorum nova adjecit nomina, Petro scilicet, & Jacobo, & Johanni filiis Zebedæi, quos

Filiis



Filios tonitrus appellavit, ut se eundem esse, quem Patriarchæ coluerant, comprobaret, & dominium suum declararet.

Illud miretur quis, olim apud Judæos more fuisse receptum, ut præter parentes, etiam alii, arrepta undecunq; occasione, ex se minime natis, nominum imponendorum potestatem sibi vindicarent. Extat in eam rem locus insignis in libro Hebraico de Vita Mosis, quem ego MS. teneo, & quem publice editum, erudita Versione ac Notis illustravit, Vir ingenio & munerum dignitate Maximus, *Gilbertus Gaulminius*, Supremæ Parisiensis Curiaë Senator primarius, & Libellorum Supplicum ad Christianissimum Regem Curator præcipuus, qui me olim in Gallia peregrinantem, inter Veneratores admisit ac libens. Eum locum huc in medium afferre non pigra-  
 bor, est autem de Mose sermo: ויאמר ליה היליכי הילר והניקהו לי ואני אתן את שכרך שתי כספים ליום: ויהי מקץ שנתיים ימים ותביאהו לבת פרעה ויהי לה לבן ותקרא שמו משה בי מן המים משותיהו ואביו קרא לו חבר כי בעבורו נתחבר עם אשתו ואמו קרא לו יקותיאל כי הניקתו משדידה ואחותו קרא לו ירד כי ירדה אחיו אל היאר לראות מה יהא בסופו ואהרן קרא לו אביזנח כי זנח את אמי והושיב בעבור זה וקחת זקנו קרא לו אביגדור כי בעבורו גרר אלהים פרץ בישראל אשר לא הוסיפו עוד המצריים להשליך בנים היארה ומניקתו קרא לו אביסוכו כי האלהים יצפינהו בסוכה מריב המצריים וישראל קראו: Illustris Gaulminii interpretatio est: *Mater Jocebeth puerum (Mosen) duobus in diem argenteis alendum suscepit. Biennio post Pharaonis filia sistitur, ab eaq; adoptatur, ac Moses quod eam aquis eduxerat, vocatur. Verum Pater eum Chabar vocabat, quia ejus causa Vxorem iterum sibi socia verat; Mater, Jechotiel, quia lacta verat: Amita, Jared, quia expositi e ventum obseruatura, Nilum prope descenderat: Aaron Abizannach, quia propter eum Amram Jocebed advocavit, quam dimiserat: Kehat, Abigedur, quia Deus ejus ergo rupturam clausit, nec de projiciendis in Nilum Hebraeis amplius cautum: Nutrix, Abisuco, quia illum in tugurio Deus*



ab Ægyptiorum rixa occultum servaverat. At, Israëlita ceteri, Schemaja filium Nathanaël appellabant, quia in diebus ejus, clamores illorum Dominus audiverat. Verum, in his, Amitam, pro Sorore, Vir Summus nominavit per incuriam. *Αλλά τι διατείνουμαι* in rebus, quas te, VIR NOBILISSIME, diligentius persequutum esse dubitare me non sinit, varia doctrina excultum pectus tuum. Quod unum igitur restat, specimen tuum tibi gratulor, DEumq; precor, ut quæ porro publice profutura meditaberis ac cœptabis, bene evenire sinat, & te solida felicitate beet. Scr. in Museo a. d. xv. Novemb. A. c. 1792.

VI

**O** satis est Astræa, satis, satis est Rabularum;  
 Nam genus hoc hominum jam fora cuncta replct.  
 Qui sua non possunt, aliorum verba sequuntur,  
 Chartaq; nummipetens nil nisi jura crepat.  
 Bartole cede locum, quid stas, mi Balde? recede,  
 Ut sedeant legum fulmina, fulcra fori.  
 O miseri mores, quos sola licentia fecit!  
 Nî rabulæ pereant, lexq; cliensq; perit.  
 Fallor, non pereunt; nam sæpe Licentia præstat,  
 Ut rabulæ pereant, lexq; sit atq; cliens.  
 Illa novum toties splendorem legibus addit,  
 Promeritum quoties cingit honore caput.  
 ENGELSCHALLE Tibi ridet sors illa, jubetq;  
 Legibus ut serves vimq; decusq; suum.  
 Ergo age, Teq; virum præsta, rabulasq; flagella,  
 Nam Themis, ut liceat, jam Tibi jura dedit.

Hisce Nobilissimo atq; Amicissimo suo Affini de pro-  
 merito Characterere cum voto perennantis felici-  
 tatis ad vota fluentis ex animo gratulari  
 voluit, debuit

JOH. GEORG. TISCHER, Potent. Elector. Saxon.  
 relict. Coldicens. Præfect.

VII. Li-





◎ VII. ◎

**L** Ipsæ non solum ad aperta jura  
In manus sumfisse *Tuas*, & illa  
Gnaviter tractasse labore multo,  
est in aprico;

Verum & ornatis Noricis Athenis  
Sedulò id jam *TE* quoq; præstitisse  
Laude cum summâ, Themidis perite,  
quisq; fatetur.

Excipit tantos meritò labores:  
Hoc novum dignumq; **LICENTIATI**  
Nomen, ac omnes *Tibi* gratulantur  
terq; quaterq;.

*Ita*

*Consultissimo DN. DOCTORANDO, hæcenus  
Commensali conjunctissimo, ob honores  
latitiam, ob discessum verò tristitiam  
suam testari debere*

**CONSALINI LINCKIANI.**

◎ IIX. ◎

**Sonnet.**

**E**h wolte/ liebster Freund! von deinem Lobe schreiben:  
**W**ie dein gelehrter Kiel die letzte Probe bringt/  
und wie Dir noch jekund der beste Streich gelingt;  
Nun aber soll mein Lob und ganzer Vorsatz bleiben.

Wo volle Blumen stehn/ da darff kein Graß bekleben.  
Weil grosser Männer Ruhm von deiner Schrift erklingt/  
den ich so oft gehört/ und den kein Fûrnus zwingt/  
so mag Ihr grosses Wort die schwache Hand vertreiben.

*Ich*



Ich habe demnach nichts/ was diesen Blättern gleich/  
wenn nicht mein treuer Wunsch an ihre Größe reicht/  
den Seele/ Herz und Mund an statt der Sache geben.

Dein Werck wird mir indeß ein stäter Richter seyn/  
ich weiß/ du schreibst mich nicht als ein Exempel ein:  
Mein Name hat Bestandt / ich will dein Diener leben.

Eucharius Gottlieb Kind.

☉ IX. ☉

**N**omina mutari certum est, mutantur & ipse  
Res, audit mundus, quod fuit ante Chaos.  
Pontifices & amant nomen mutare, minores  
Et Di mutarunt nomina sepe sua.

Nomina, res parva est, quid sit mutare priora,  
Difficilis justè quid sit arare manu.

Hinc Tu jure clues nunc DOCTORANDUS, Amice,  
Et permutato nomine DOCTOR eris.

Paucis hisce

Nobilissimo atq; Clarissimo DN. ENGELSCHALLO, Fautori  
atq; Amico suo per dilecto, masculè & pereruditè  
de Mutatione Nominum disputanti, de felici  
studiorum successu, seu specimine edito, & studiis  
imposito colophone subsequentibusq; honoribus  
gratulari, memoriamq; suam commendare voluit

GOTTFRID LUDWIG à SEIDEL,  
Nobil. March.





Altdorf, Diss., 7692-93

ULB Halle 3  
004 572 483



f  
56.


VJ 17











B.I.G.

Farbkarte #13

C. D. 140  
DISSERTATIO INAUGURALIS  
De eo, 1692  
quod justum est 19  
circa  
**MUTATIONEM  
NOMINUM,**  
ductu  
*Leg. un. Cod. de Mutat. Nomin.*  
Quam  
ex  
DECRETO & AUTORITATE  
MAGNIFICI  
DOCTORUM ORDINIS  
In  
INCLYTA ACADEMIA ALTDORFINA,  
Pro  
**LICENTIA**  
SUMMOS IN UTROQUE JURE HONORES  
&  
PRIVILEGIA DOCTORALIA  
rite capesfendi,  
*Publicæ Eruditorum ventilationi*  
submittit  
d. 24. Nov. M DC XCII.  
**JOHANN. GODOFRED. Engelschall/**  
Olsnic. Varisc.

Excudit HEINRICUS MEYER, Univerfit. Typographus.

